


MASINA OOVEEHA

 Kooxukhuru, Munna Neville. Ela yaari ntoko yo—yootikiniha wa miyo. Khayaari wira kikhale vaava olelo. Masi, olelo ohuyi p’uhiyu wa ekomunyawu, nto miyo—nto miyo kuupuwela orwa voosiisu yoola. Vano miyo kimulikarela Munna Neville, nto owo khwira, “Ahe, vano, nyuwo mwarwa vale,” khwira, “khamunrowa olavula ni hiyo vakhani paahi?”

² Nto miyo khuupuwela, ahe, kaaronwe pahi, ni vaaweryaneya, nkaarowa olaleya, masi kaatthuna paahi olavula ni ekereja okathi vakhani miyaha, moosuwela, kinuupuwelaaka wira saamulipiherya ekereja.

³ Ninoomalaru otthika mu—mukwaha ahu wo oxaya w’ephovo, axinna ni miyo, va, ni naahipuha voovuwa-vo. Hiyo—hiyo ninnixukhuru saana, othene ahu oosareya, ni—ni naahixaya inama saaphavelaahu. Ni—ni pastore ahu ni miyo noosuwela wira enama ya ethhove ti yoosiva saana, saana-ene. Tivo naahixaya itthove sooreera. Ni miyo kaahixaya ekhaya emosa ni itthove piili. Nto nitthika.

⁴ Nto ola waari okathi wa miyo olavula mwaha wa Ikanyeryo iye thanu na piili sookiserya. Ni khiyaatthokihawe ekereja. Ni yookhala ethhu, ekhottiheryo, ekhumelelinhe yeeyo. Wira, kinoona wira epooma enniniruuhela mukattayamiho, mwaha wa opuro woohiloka wira sipwehiwe-vo ikaaro wa eyaattelo ya athu nryaahu. . . ekereja enrowaaya waathukumanya.

⁵ Nintthuna neemexe ekereja esya va, ni nihaana epantte yuulupale ya musurukhu oheleliwe, ni—ni wira nipake e—ekereja yuulupalexa. Masi okathi onkhalanaahu miteko iya, vano, munnisuwela saana ele ekhanle. Eyo ethhu yookhupanyereya. Athu anrukurerya ixiri, vate vapulani, ni—ni—ni ti yootepa onanara. Ni hata kinnuulumeliwa ni apatthani aka. Khwira, “Munna Branham, enkhala wira awo. . .” Tothoro mmosa mpatthani aka, iirale, “Enkhala wira mwaamuwerya ophwanya opuro.” Khwira, “Kinnoona othunku, okathi waaviraaya.”

⁶ Nfurumeera mmosa namwaattamanani aka, iirale, “Vano, kaahivira weiwe voosiisu umosa ewoora yaneethanu. Yaari wira mukhale weiwe. . .” Ni khwira, “Athu yaahipacerya othukumana ekereja ele iwe, ewoora ya neethanu voosiisu. Yaari wira mukhale weiwe ewoora ya neethanu na xexe ni minuutu miloko miraru.” Tivo, moone, enkhala yoolipa.

⁷ Ni nintthuna ekereja erina opuro, ni vaavo athu othene akhanlyaaya okilaathiki. Ni ninuupuwela wira ninkhala mahiku ookiserya, ninnaamini yeeyo. Wira vaavo e. . . Vaatthuneya hiyo okhala niixuttihaka Ekereja sa—sa—sa itthu iya, simpakeya,

itthu saalaleeriwe, sikina saya, miyaakha ikonto sene. Ni mwa miyaakha miloko miili ni mithanu ni miloko miraru, sikhumaka ekereja yeela, saalaleeriwe khalayi ene, saarowa okhumelela. Nto vano nookhalana eyo ehalaka wiiraneya voolikana. Tivo naahaana okhala nuuluulaka itthu iya, masi kharina opuro wooreerela. Tivo voosiis'ula . . .

⁸ Miyo kiwaattakaka oraami aka ni itthu, nsana, ni kihaana akina-tho oowaattaka, oxekuwa ola, ni siiso. Vano nto kaahikhalana atthu kamosa-kamosa yaatthuna okupali, mmiravo mmosa oophenteya, okhanle oowuukhuwa saana, munna mmosa murumeyi vapuwani. Ni sinci-ene siiso, ni munna mmosa a oNoruweeka. Ni—ni naahikhalana mivaanelo sikhaani musaala ya wiithela. Nto miyo khwira, “Ahe, vano, ninookhuma.”

⁹ Nto Munna Neville khwira, “Ahe, hiyo naamoowa nihimye moolumo vakhani wira nilipihe Ekereja vakhani.” Yoop- . . .

¹⁰ Emosa wa itthu soopacerya kintthunaaka ohimya. Koolepa itthu kamosa-kamosa va vapapheloni, wira, karwaaru okereja, kaatthunaaka ohimya. Etthu emosa kilempe aka va yaahimya okhwa wa Munn'ihu ooreera murima Taylor nikhumme ene.

¹¹ Munna Taylor aanirwaaka ekereja ela mwa miyaakha ni miyaakha. Othene ahu naanimusuwela, kookupali. Masi yaakhanle-ene aletto va, aari mulopwana ole mutokweene oottittimiheya okathi wothene aawaavyeryakani opuro, wira mukilaathi. Munna Taylor, emaara yookiserya vano, mpakha onrowaaka omoona oryeene mmiravo, owo eemenle vamukhora vale soovira Ittiminku soophiyakha tthaaru wala xexe. Owo khwira, “Kaatthuna kikuxe iliivuru kamosa-kamosa, Munna Branham. Kaatthuna kikaweke iliivuru iya.” Vano hiyo, owo. . .

¹² Vansuwelaaka, owo aarina tiyapeeti vano khuhileya, ni khaa. . . ahisuwelaka wira aarina tiyapeeti. Ni—ni aari. . . Owo khukhwa. Owo khokhwiye. Owo oronwe paahi okhala n'Apwiya Yesu.

¹³ Ni aari oororomeleya, munna oothamaleya, kweekwe owuupuwelaka atthu akina. Ni yoomusivela waari ophavela ophwanya opuro wira mutthu akilaathi, yarwa okereja. Ni moosuwela, khino, okathi onrowaahu olapuwela Epannte ekina, khiyaarowa okhala yooreera omoona Munna Taylor weiwo, oniphwanyerya opuro wira nikilaathi, epannte ekina?

¹⁴ Kinoona wira, nimuupuwelaka Munna Taylor. . . Miyo nkaakhanle va wira kilavule ni Munna Neville, woovithiwani wawe, masi kintthuna kihimye nuulumo na oxukhurela waka, wa naamukhweli awe. Munna Taylor muthiyana, woona waka, ori vaava nipuro nlo voosiis'ula, oreerihwe murim'awe wooromeleya!

¹⁵ Munna Taylor, nihiku nimosa iirale, “Murwe mukithotole. Kihaana ntthiya naamukhaani nithimpwale iwe, kihela ihopa

mwemmo, wira murowe mwamese.” Kweekwe oocaliwa ni atthu akina. Vano aahikhala Mutthu aacaliwe ni yoowo, aari Kristu, wira anvahe woopowa.

¹⁶ Miyo kinoona wira, mwa ottittimiha, nlelo, wa ekerej’ela, ethukumanaka ntoko erutthu emosa voosis’ula, nrowe nivenye vamosa, nuuramihe muru ohoolo wa Muluku.

¹⁷ Tith’ihu a Wirimu, hiyo ntoko atthu voosisu ula, ni a—anoorwa nipuro nla n’okokhorela-vo . . . Ntata nanyu nuulupale niheettetta eriyari ahu khumukuxa wa hiyo mmosa w’axinn’ihu ooreeraxa yoowo onimpentaahu, ni ninsuwelaahu wira Nyuwo moompenta. Ni Nyuwo mwaahikhalana niwoko wa yothene ela, Pwiya, ahiiso khiyaarowa wira ekhumelenle siisa, nisuwelaka wira Bibilia ahu onninihimeerya, wira, “Itthu sothene sineettiheriwa vamosa wira ereerihiwe ale animpenta Muluku.” Ni owo aanimpenta.

¹⁸ Nto hiyo ninniweha, molumwenkuni, ni ninniphwanya ephattu mwa khula enamuna enileelaka, wira mahiye khanwerya onvarelela, maana elapo ya vathi owo aanirumeela niwoko Nyuwo mwaanveleelihenryaanyu wa wira avare. Owo aari munna ooreera murima, oororomeleya.

¹⁹ Ni ninniweha wira mwa ekumi ya ekumi sa miri, ni mwa ekumi ya nsuwa ninkhuma voosisu wira ninivahe waarya. Nto eriyari ya nihiku ninkhala munnuwelo w’eriyari. Vano nto makaaripi ninnookhwa-tho, wira nikhume-tho voosisu aya, noovuvura ni nsya, okhala wira noorumeela etthunelo ya Muluku.

²⁰ Ninnoona maluwa yaathapuluwaka ni ophwaneliha elapo ni oreeriha isaala sa miteko s’ovitha, ni mapuro onthelaniwa, ni orumeela etthunelo; otthukula murima aya ni ovaha, mahalane, oravo enwi, ni yoowunkhela wa nanvira vakhiviru, oreera wa ole omphavela. Annivaha sothene arinaaya, envarelaka muteko Muluku, vano annuuramiha muru aya mwaamukhaani. Masi ephovo yaattamelaka, annivenya-tho, okhala wira aarumeela etthunelo ya Muluku.

²¹ Vano mwa ephattu yothene, ni Bibilia, natiri, ni Erooho Yoowaarya, ninoowerya otthapa vootteeliwa murima mmurimani mwahu, osuwela wira Munn’ihu Taylor, siiso, Pwiya, oorumeela etthunelo ya Muluku. Ni ohimya wira owo khonrowa ohihimuwa waamukhala omukhootta Bibilia ahu, Muluku ahu, ni itthu sothene Muluku onivahalyaawe wira niweheke, wira nisuwele wira wookhala ohihimuwa. Tivo ninniwehereryaxa okathi onrowaahu omoona-tho, oryeene mmiravo ni mukumi ni ohikhahalakala-tho awareiwaka ni wuuluvala.

²² Mmureerihe mwaar’awe oophenteya, mwaapar’awe owo oororomeleya. Moota anrowaaya oninkhelasa, okathi munci-ene, Pwiya, ntoko saawoonakaahu erowasaka onthiyani, ni okilaathi

ikhukulu iye sikhaani iwe, evanelaka, ni moota yaarisaya oophentanasa.

²³ Nto vano hiyo nooswela wira nookhala Nihiku nuulupale ninkhuveela, okathi alipa-oowivaha a waamini anrowaaya weetta vathi va nttheke nuulupale na oxintta, ni Malaikha a . . . ni masipo anoosariha ettheke. Ninoowoona-tho nipuro nenlo.

²⁴ Mpakha okathi yoowo, Pwiya, munivahe ominyala. Munireerihe ni munikhaliherye. Onooninkhela Munna Taylor okathi munci-ene, ni atthu othene anrwa ekereja yeela, moota eemelaawe vamukhora ni waaphwanyerya opuro ale jaarwa wiiwa Masu a Muluku, wira akilaathi vootaphuwa ni omumula.

²⁵ Ni nihiku nlo okathi owo ovinryaawe orowa epantte ekina, Pwiya, miyo kaahivekela wira Nlaikha nuulupale na Muluku neemele vamukhora vale, wira nimphwanyerye opuro, nave, Pwiya, wira owo awerye okilaathi. Maana yoolempwa mBibiliani, "Ale oomoriwa ikharari anoophwanya omoreliwa ikharari." Mpakha nimoone, Pwiya, miyuupuxeryo sitthikele okhala soosivela mmurimani mwahu, mpakha nihiku nlo okathi onrowaahu okumana-tho Muttetthe mukina. Mwa Nsina na Yesu Kristu hiyo ninnivekela. Amen.

²⁶ Owo onoorowa oninkhela okathi munci-ene eriyari ahu ni eriyari ya aletto, ni siiso, anrwa okereja wahu, wala empa ahu va, wira ekokhorele. Munep'awe wiitthyuwe ni murettele ohoolo wa Muluku, mpakha Nihiku nenlo.

²⁷ Nihiku nlo, nave, khula mmosa a hiyo onoorowa, mmosa-mmosa, mpakha ophiya ekwaha ahu siiso. Nrowe vano, nirina-ene okathi, ni niweryaka, nrowe niilokiherye wa okathi owo onkhuveela; maana khanisuwenle okathi onrowaaya okhala. Hiyo khanisuwenle t'ani onrowa ottharelana. Nikhaleke, khula nihiku, wira nikhale oolikana, warwa vale, wakhalaru wawihu.

²⁸ Vano, kaatthuna kihimye soohimya. Vano, voohipisa, alakela, khino, nkinalavule ni maatiministratoore kootthikaru, naahimiyaka mukhalelo w'oteka e—ekereja va, wala erinaahu wira voottharelana, wira nilikanyihe ekereja ahu wira niweryeke okhalana muthukumano ahu. Vano kinootthikela, kileveleliwe, ni i—Ikanyeryo Thanu na piili, vano nto Mihasa Mithanu na Miili, ni ithu sinci-ene nlelo naakhanlyaahu okelelaka, voohipisa.

²⁹ Nto vano, Ettiminku enrwa voosiisu, wu, eri wira kikhale oElizabethtown, Kentucky, ni Munna L. G. Hoover, wa mu—muteko w'ovahererya. Ni owo ori wira evahereriwe etapernakulu esya, ahiiso etapernakulu awo athumme aya oElizabethtown, Kentucky. Orowa olukama ephiro 62 mpakha ophiya oElizabethtown, wala orowa, kinihimya, 31, wala otthara ephiro yootaphuwa. Ekhumelo aya, enooroihani oElizabethtown. Eri ntoko ewoora emosa. Eri ntoko ikilomo miloko mithanu ni thanu na mosa, ikilomo miloko mithanu

na mosa ni xexe. Kinoona wira, ikilomo soophiyaka miloko mithanu na mosa ni xexe, ephiro ya...ya 31, ni ikilomo soophiyaka miloko mithanu na mosa, wala etthu siiso, ephiro ekina, otthara ephiro yootaphuwa. Eri Ephiro Mulberry.

³⁰ Muteko wo ovahererya. Munna Hoover onoorowa okhalana exikola ya Ttiminku ya khula nihiku ewoora ya namuloko. Ni kinrowa olaleya muteko wo ovahererya, okhuma ewoora ya namuloko n'imoso mpakha muloko ni piili, Ettiminku ila enrwa, Novempuru ya mahiku muloko ni nimosa.

³¹ Vanipaweni va mihupi vale, omphwanyaneya a—artiiku a ihapari sa yeeyo. Ni enrowa okhala o...Munoowerya ophwanya ephiro anyu okhuma vaavale. Eri Ephiro Mulberry. Wala awo—awo annihimya moota wo ophiya o...Eri vanipaweni va mihupi vale ohoolo wa ekereja.

³² Vano, no—Novempuru ma—mahiku miloko miili ni maili, miyo—eri wira kikhale oShreveport, Louisiana, miloko miili ni maili, miloko miili ni mararu, miloko miili ni maxexe, miloko miili ni mathanu, ni—ni miloko miili ni mathanu na mosa. Mahiku mathanu, kinoona wira, oShreveport, Louisiana, oTapernakulu Ekumi. Eyo ti ni Munna Moore. Anroa omutthapela yopeeli aya a weero. Eparakha ya pentekosite yaahimora oShreveport, Louisiana, miyaakha miloko mithanu sivinre, miloko miili ni maili a mweeri yoola. Miyaakha miloko mithanu, mutthaka woopacerya wa pentekosite waahilaleeriwa. Nto khumora, Erooho Yoowaarya, oLouisiana. Vano awo aakhalana muupuxeryo wa yeeyo, nto ola yopeeli a weero. Ni eri wira kilavule yopeeli ula, ohiyu mithanu, ni Munna Moore, oShreveport, eTapernakulu Ekumi.

³³ Nyuwo mwakhalana apatthani kamosa-kamosa iwo, vano, munthunaanyu waalepela, wala etthu, naamutteelelwa murima okhala ni yaawo. Ni mwaaleele sa mithukumano sinikhuveela.

³⁴ Ni eTapernakulu Ekumi, akhala mutthu otonko okhala weiwo ni Munna Moore, owo mutthu ooreera murima saana. Ni aakhala atthu ooreera murima saana, atthu ale a khalayi a Okuusini. Vannirika waavikana yaawo. Nto siiso, eTapernakulu Ekumi, khula mutthu oShreveport iwe onoowerya wooleelani varyaaya. Oshreveport aakhala atthu oophiyaka ikonto piili. Ni epooma yooreera, ni mapuro manci-ene oomaka-wo. Tivo...

³⁵ Ni etapernakulu ene etapernakulu yootaphuwa, etapernakulu yootaphuwa saana. Yookhalana nipuro n'osulu, ni mapithela, ni nipuro nuulupale ohiya yeeyo. Ni wookhala opuro woowaatta. Ni epantte ekina ya autitooriyu a mpooma ankela atthu ikonto thanu. Voolikana—voolikana ntoko otupha ephiro va, mpakha autitooriyu a mpooma.

³⁶ Nto Reverendu Jack T. Moore, ahiiso—ahiiso eTapernakulu Ekumi oShreveport, Louisiana. Ompacerya mahiku miloko miili ni maili. Eyo enrowa okhala Nam...Namaxexe mpakha

Ttiminku. Namaxexe, Namathanu, Saapatu, Ttiminku, mahiku maxexe ohiya mathanu. Kileveleliwe. Anrowa okhala mahiku yeetaka miloko miili ni maili, miloko miili ni mararu, miloko miili ni maxexe, ni miloko miili ni mathanu. Kinoona wira ti siiso, ya—ya Novempuru.

³⁷ Vano nto, ninoosuwela nto ya, etthu niiralyaahu mwaha wa ekereja va, wira nisuwele moota ekereja eneettaaya vanaasiwa okhalana empa aya. Alipa-ooteka anninileela wira anoowerya waahela axilopwana oophiyerya wira evare muteko mwa yeeyo, mpakha akhanlyaaya olikanyihaka voophiyaka mahiku muloko wira niwerye okela-mo, moone, naanaanoru. Ni awo anliplelela epooma olepa paahi. Moosuwela, ni nihaana okhalana opuro munci-ene wo opweha-vo mikukutta, ni sinci-ene ya *ela*. Nto, oh, wulu, enkela mwa ipisiheryo sinci-ene, wira epacerye otekiwa etthu p'itthu. Masi kaatthuna kirowe okereja kihinatthi otthikela-tho vapuwani.

³⁸ Vano kihiihaneliwa oTankanyika, Ukanta, ni weiwe. Joseph ookhalana mithukumano soothokihwi wira sipacerye Fevereero.

³⁹ Nto nsana, okathi ophiyalyaaka, yaahikhala axinna kamosa-kamosa, ni Munna Thoms muthiyana ni akina, a ilapo s'okhopela, yaahirwa. Ni yaahikhalana. . . Kaahiphwanya yoolepa emosa yaari vamukhora vaka, wala—wala olattuliwa wa o—oxirikha wAfrika du Sul wu. tivo kinimwaalepela ewarakha, wira kisuwele ekhanle wiiriwaka. Khino, kiryeene ottaiwene siiso, kiwerye ophiya wAfrika du Sul, khino, epantte yookiserya ya Fevereero ni Marsu, ni oviraka okathi yoowo.

⁴⁰ Ni ninniroromela ovenxa ekereja, wira kiwerye oruaha Okathi ula wa Ekereja, ehinatthi—eyiita ehinatthi opacerya, vaweryaneya vale. Vaahikhale, wala kakhala ootthika wu, Apwiya Yesu yapisa vale.

⁴¹ Kaamwiiwa nsana okathi waakuxaaka, kookupali wira waari nsuri, mufiitani. Miyo koono wira kiiwale erumaka va olelo voosiisu. Munna mmosa a Okuusini aarina. . . Ame awe yaarimoorwa vamuthukumanoni. Awo jaarina eretta vanipeleni, ni eruku ya mookhwaani yaanaakhuneela. Nto Eroho Yoowaarya, mmosa wa mithukumano sivinre naanaano, oSouthern Pines, kookupali waari weiwo, wala nipuro nlo, khwaaleela, khuhimya ya eretta aya, ni wira yaari aani, ni waakhumaaya-wo. Ni khuhimya wira awo yaahikhalana mwaana aakhumme mphironi, ni jaarowa omphwanya ehasara, ni aarowa ohimyaniwa omwiiva mutthu voohilakela. Ni itthu sinci-ene siiso. Nto mmiravo ola. . .

⁴² Sothene siireiye voolikana siiso. Ni kankuru awe ootakhala, ahiiso muuwe wootakhala, kiireke, khimukhuma. Yeeyo ekhanle, muuwe wootakhala kankuru, moosuwela. Tivo nto eyo—eyo khimukhuma. Vano mmiravo aahiphukiwa mwaha wo wiiva

voohilakela, ni sothene siiso Erooho Yoowarya yaahimalyaaya. Ni owo khweettiheriwa wa Kristu, khutthika. Vano owo khukaravari efiita ya yeeyo, nto miyo—miyo khwiiwa erumaka. Nyuwo yaahoosivelani elavulelo ele, yaamukhaani ya Okuusini? [Muthukumano onira, “Amen.”—Mol.] Iirale, “oKarolina du Norte nno,” owo khwira. Oh, miyo okisivela eyo, atthu ale a Okuusini. Ni owo aahikhalana. . . Apwiya khimureeriha mwa yeeyo. Owo khwira, “Miyo koosuwela wira munihimya wira khamunlaleya mwiixuttiho, Munna Branham; muthukumano anyu paahi.” Khwira, “Hiyo na epantte ya muthukumano anyu.” Tivo eyo yaari yootteeliha murima, owo ohimya yeeyo.

⁴³ Nto vano yookhala elatarato, kinoona wira, khino, eri vanipaweni va ihapari voosiis’ula. Yaahikhale, Billy onoohela vale. Imaara sinci-ene yoohimmwa, wopaceryani vapacenryaaka olavula, wira yiiriwaka, “Nyuwo munimwaanyiherya paahi, Munna Branham, wira munoona Waarya iwo, Waarya iwe.” Alakela, voohalaka. . .

⁴⁴ Khino aahala akina va, ale a khalayi anuupuwela, ilatarato sa Yeeyo sihinatthi okumihiwa. Ookhala mutthu va onuupuwela miyo kihimyaka yeeyo, okathi ovinre khalayi? Nkawehani. Matata oophiyaka maxexe wala mathanu. Munna Spencer muthiyana va, ni Munna mulopwana ni Munna muthiyana Slaughter, ni—ni munna *va*, ni munna *vale*. Ahanle atthu oophiyaka athanu wala athanu na mosa a khalayi.

⁴⁵ Ahe, vano, nuuvira okathi vakhani, niitho mekaaniko na kaamera ole naahivara elatarato ele. Nto khurowa oWashington, DC khuvira mw’alipa-oomwaleyasa, khutthika, “Khiyaakhanle hata epweheryo yaneeli wala hat’etthu.” Khwira, “Waarya oroophiyerya elenti.” Owo ti George J. Lacy. Mookhalana nsina nawe nilempwe. Munnona?

⁴⁶ Ahe, nto, imaara sinci-ene enniwiwa, owehiwa ni ohimmwa, “Nookhala neeku nooripa vasulu va mutthu *ola*. Eruku enimukhuneela omuroiha mookhwaani.” Akavi atonko okiwa ohimya yeeyo? Imaara sinci-ene, moone, imaara sinci-ene. Ahe, erimwiiraneya wira maakina aroovara eyo. Nto tivo nookhalana eyo va.

⁴⁷ Muhano mmosa aamphavenle munna mmosa muthiyana khimuleela, vamuthukumanoni o—oCarolina, weiwo waarin’ahu muthukumano mmosa wooreeraxa oSouthern Pines. Nto vale, muhan’owo aamookhwa ni kankuru mmapeleni oomaili. Ni mameetiku yaahimuhiya oohiroromela wira akhwe. Nto muhano owo khukuxa khukumihya elatarato awe, okathi ene yoowo kaahimye aka wira owo aari pani, ni otthu aakhummy’awe. Nto miyo khwira, “Yookhala eruku yooriipela vasulu vanyu. Enookhuneelani woorihani mookhwaani.” Nto muhano ole khukumihya elatarato ya yeela. Nto eyo eri vaniithoni mekaanika na kaamera, naavanre eruku ya mookhwaani.

⁴⁸ Aakhanle-ene mutthu a nyuwo othene oonale *Sooruma Muloko*, khoona nlaikha na mookhwaani, moota naavinryaaya, eruku ile yooriipela, yoowooneya oriipiha murima, eri valataratoni va. Ni miyo kinoona wira eri vanipaweni na ihapari vano. Yaahikhale, Billy onniwerya okiiwa, vano, munvekele wira ohele vanipaweni na ihapari. Ni ehaana ntthere nimmuthoonya mutthu. Nto mutthu uwo, eruku yaahimuhiya muthiyan'owo, ni khuvonihiwa mwa mwiiriirya. Masi yookhala ntoko kapuxu, mwiixi wooriipela orukurenrye ompakaka kapuxu mwa muhano owo, ni oowiithomeya vakankuruni vale siiso, onikhuma vaavo. Vekeekhai, eyo ti eruku vaavo okhwa oniyeheriwaaya-vo, nave, okhuma mukankuruni.

⁴⁹ Ahe, khivancala moota xeeni mumphavelaanyu waaleela atthu Ekeekhai, ookhala mutthu onrowa okhala oohoverya wira Eyo kahiyo Ekeekahii. Nto nyuwo mwaahimyaka-ru Ekeekhai okathi wothe, vano munoosuwela wira muri—muri oratteene.

⁵⁰ Kihaana mpatthani mmosa okhanle na—namahuwa inama, Onikela nsuwa. Ni—ni esukeryo yaahiliva itoolare soophiyaka ikonto xexe ekaaro ya nakhutu, wira naalakiwe nikoto na itthove naahanle vakhiviru va Ekhatu Troublesome. Mwenye Jeverez aaphwanyaneya va mukereja, miyo kaahimweettiherya wa Kristu, mutthu oohaamini voomalela. Ni nyuwo mookiiwa omuthariha wahala a hiyo neettihaka ikhavalu vamosa. Ni owo khaamini etthu woohikhala ilakeyelo sa Darwin. “Ni wira Mwaana ole, ooyariwa ni harusi, yaari ethiru.” Nto hiyo naahookola iheema ohiyu umosa vaavo owo aamukupanly'awe Kristu.

⁵¹ Ni siiso nto mulopwan'ola khwaaleela. Owo khwira, “Vano, khimurina yo othuma ekaaro ele, ekaaro ele ya munakhutuni.” Khwira, “Miyo kinimoleelani oratta-ene itthove sikavi siri iwe.” Khwira, “Siri-wo muloko ni thanu na xexe.” Khwira, “Saari-wo miloko miili- . . . Saari-wo miloko miili ni emosa, nto miyo khwiiva piili.” Nto owo aalavula ni mulipa-ookhapelela etakhwa. Kheri wira yiiviweke yoovikana emosa. Tivo owo khwira, “Saari-wo miloko miili ni emosa, vano miyo khwiiva piili. Sinihala muloko ni thanu na xexe.”

Nto owo khwira, “Ayo, Jeff, miyo koosuwela wira nyuwo mwiivale piili.”

Owo khwira, “Kihiiwa.”

⁵² Ahe, awo khukuxa ekaaro ya munakhutuni, khurowa weiwo, saari-wo miru muloko ni mithanu na mixexe sa itthove. Owo khwira, “Billy, mutthu onleeliwa ekeekhai paahi; owo khonaamini.”

⁵³ Tivo eri ntoko siiso. Pooti oleeliwa Ekeekhai atthu, nnakhala vo awo. . . Onnikhala ohiiwiwa saana vanci-ene ni—ni woothiwa mwaha wa itthu mpakha ahinaamihi aya wira munihimya Ekeekhaii mwaaleelaka Ekeekhai. Munnona?

54 Masi hiyo ninnixukhuru vanci-ene wira nookhalana Atithi a Wirimu Yaawo anlipiherya Ekeekhai yeeyo ni mulipiheryo. Eyo ekeekhaii. Vano nto nla nakhala nihiku naka nookiserya mulaponi, e...hata othokosa wa siyensiya ni iyooniheryo soolipiherya wira kinihimyaka Ekeekhai wa itthu iya. Ti yeeyo. Eyo Ekeekhaii. Vano alakela enrowa okhala vanipaweni na ihapari. Billy, muri musaala mmo? Muhaana yeeyo mmatatani, elatarato? Nto mwaarina-ene, ahe, ruuhani va, nto muheleke va, alakela awo anmoona. Ahe, nkisuwenle. Onookhala luuxu va—vanipaweni.

55 Nto va eri e—va eri elatarato vaava va. Kinoona wira khimunwerya woona. Masi vaava *va* munoowerya woona eruku iyo ya mookhwaani ntoko kapuxu vamuru va muthiyana owo. Nto va eri ele elempwe ya yeeyo ottuli *nno*, vaavo muhan'owo aakuminhe-awe elatarato ene, ni wira oone khama eyo yaamukhumela tthiri. Nto eyo eri vo, va—vasulu vo. Eyo eruku ya mookhwaani ntoko kapuxu.

56 Munnimoona muthiyani'owo, ole vale? Kinoona wira, muhoona, Munna Neville, khimoonale? [Munna Neville oniira, "Ayo."—Mol.] Uh-huh.

57 Vano, Billy alakela onoohele vanipaweni va ihapari, xontte, Billy. Murwe, mukuxe, nto mukuxe muroihe ohoolo mwahela vanipaweni, wira athu othene ewerye woona yaakhumaka. Owo wala Doc, khula mmosa. Vano miyo koona wira, khino, yaamukhumela yoowooneya voophiyerya wira moone, masi khereere eriipelo wa muthinto owo wa elatarato. Masi owo onoohele vale, wira nweye woona, mwaakhumaka.

Vano, muupuwele mihupi sothene.

58 Nto vano, voosiiu yoola, miyo kihuupuwela khino olavula vakhani mwaha w'ethu wira elipiherye ekereja, ethu yaarowa woovahaxani . . .

59 [Munna Doc Branham oniira, "Muntthuna nlepa nle?"—Mol.] Munihimya exeeni? ["Kintthuna nlepa nle vaavale?"] Ayo, Doc, xontte. Khino yaamukhala yooreera.

60 Kintthuna kirumeele ela va. Miyo kaahikhalana . . . Akina w'awo khayaarina wira epattihe, esumana evinre, tivo hiyo noona wira khino yaamukhala yooreerela olelo. Miyo kaatthuna olavula yeeyo, okhala wira enaasa—yooloha munna mmosa aalohaly'awe.

61 Kaatthuna kisuwele sinto Munna Shepherd muthiyana ori mukereja voosiis'ula. Miyo kimusuwenle ohiyu uwo. Nto emaara yoopacerya omoonaly'aka muthiyani'owo, vekeekhai, nkaasuwele aari pani. Owo ori vaava? Kinoona wira khori-vo. Ayo. Yaamoonyoonyani, yaamukhala yoohireerela, miyo ohimya yooloha yeeyo, Munna Shepherd? Khimwaarowa ocaliwa, kahi siiso? Vaareera. Ti yooreera.

Ni nihinatthi waattamela yeeyo, nrowe nuuramihe-tho muru vano.

⁶² Tithi a Wirimu oomoriwa ikharari, ninnoovuwhani Nyuwo mwaha w'oreera Wanyu murima wothene ni omoriwa ikharari. Nto vano, muniitthyaalihe, Pwiya, wira nisome Masu a Muluku mukumi, ntoko Awo anrwaaya wa hiyo mwa yoowoona ni olipiheriwa ni Erooho Yoowaarya, ookhaliheriwa ni Bibilia. Tivo ninvekela wira Nyuwo munivahe mwiiwelo wooloka, wira nisuwele etthu yo wira mahiku ala ookiserya noonaka ikuru sootakhala sinnirukurerya vano. Ekhotto, ekhotto yookiserya ehanle owaniwa. Munikhaliherye, Pwiya. Ntoko anakhotto eekeekhai, a ikuru, nrowe nivarele nikula noowiisakiha-no na Waamini noovenxiwa, ni Masu a Muluku, Xoowa, ni nikelele ohoolo. Mwa Nsina na Yesu. Amen.

⁶³ Vano, nuupuwelaka okelela ohoolo, ekhotto, ntoko e—ekhotto ya anatoropa oothataana, oolikana wira ekelele muteko, e—ekhotto y'ekeekhai, wira niwane ekhotto ya waamini.

⁶⁴ Munna Shepherd muthiyana va, ni Munna Shepherd mulopwana, yaawo akhanle apatthani ahu ooreera murima, ni ale anoorwa etapernakulu ila. Ni awo aana oophwanelaxa a Muluku. Ni—ni Munna Shepherd ola muthiyana, okathi waakuxaaka ewarakha aka okureyu, enamuna Billy okhanlyaawe waakhulaka, mutthu paahi oniira, “Mukiveleliherye ikuwo sinci-ene sa mavekelo.” Vano miyo kinnaavekelela. Owo onniwaakhula. Masi yakhala ewarakha ya mutthu voomeekha, kihaana waakhula yoomi, moone. Nto kaahikuxa ewarakha aka okureyu, nto siiso kaarowana owaani. Ni kaamusoma vaavo, yaahimya wira, “Ya Munna Shepherd muthiyana.” Ni yaari yooloha owo aarinaawe, ya—ya miyeeri vakhani sivinre. Ni owo khaawenrye osuwela oratteene mpakha Ittiminku piili wala tthaaru sivinre, okathi wiixuttihalyaaka ela—*Okathi ula Mithanu na Miili wa Ekereja* ni—ni mi—mihokorokho mithanu na miili, Petru Aneili, moota onthuneyaaya, Petru Aneili 1, “Wira naacererye mwa waamini wahu.” Munnona?

⁶⁵ Yoopacerya, mwa mulipiheryo, ti Waamini. Yaneili, mwaacererye mwa waamini wanyu, ikuru; mwa ikuru sanyu, akhili; okhuma akhili, wiisumaaliha; mwa wiisumaaliha, ovilela; ovilela, othunku; nto okhuma othunku, waaphenta axinna, oreerelana murima w'axinna; vano nto ophenta, okhanle nluku noomaliherya. Itthu thanu na piili sa seiyo. Okathi mithanu na miili wa ekereja, moone, ni ittheneeri thanu na piili sa okathi wa ekereja, ni sothene iyo sintakanxiwa vamosa ni Erooho Yoowaarya.

⁶⁶ Vano, ti yeeyo entthuneya wira mukhale murumeyi a Kristu. Kristu onteka Ekereja Awe muhina mwa okathi mithanu na miili wa ekereja; Mwaakameliwa Awe, Mutthu, muthiyana, Ekereja.

Okathi mithanu na miili wa ekereja simmukhaliha ni sinimpaka Mwaakameliwa. Amosa-amosa a okathi *ula*, ni akina a okathi *ule*, ni akina a okathi *ule*, nto othene vamosa, ni empakaka ntoko epiraamite.

⁶⁷ Ntoko Enookhi, aatenke ipiraamite, hiyo ninaamini ahu. Vano nluku noomaliherya khinnaheliweke vasulu vaya, okhala wira nluku noolipiha nirookhoottiwa. Ni hiyo nookuxa vano, kahi ntoko Mwiixuttiho, masi ntoko osuwela, wa ekereja va paahi. Wira ala . . .

⁶⁸ Muluku oniikhaliha Mmansawe ooloka voomalela mwa tthaaru. Owo oniikhaliha Mmansawe ooloka voomalela mwa “Tithi, Mwaana, Erooho Yoowaarya,” miteko miraru sa Muluku mmosa. Owo oniikhaliha Mmansawe ooloka voomalela mwa “okhalihiwa naxariya, oreerihiwa, opatiiso wa Erooho Yoowaarya,” sinrwa miteko, sooloka voomalela sa mahala. Owo oniikhaliha Mmansawe ooloka voomalela mwa irweelo tthaaru: emaara yoopacerya, wira anvuluxe Mwaakameliwa Awe; emaara yaneili, wira amwaakhele Mwaakameliwa Awe; emaara yaneeraru, oMileenyu ni Mwaakameliwa Awe. Ni sothene sinkhalihiwa sooloka voomalela mwa tthaaru. Nto thanu na piili ti nummeru n’okokhoreliwa na Muluku. Muluku onikokhoreliwa mwa thanu na piili, omalelihiwa, vano olokihiwa voomalela ni omalelihiwa.

⁶⁹ Nto etthu yootikiniha yaari, kahi wira kipacerye olavula yeela, masi wira kiwooniheni paahi, etthove yookiserya kaaxayale aka yaarina manyaka mathanu epantte emosa ni mararu ekina; moone, mahala ni oloka voomalela.

⁷⁰ Vano nwehe mwa yeela, wira Kristu. Muluku aalempe aBibilia araru. Bibilia oopacerya aari osulu, oniitthaniwa sotiyyako. Vano, nyuwo mwaahisuweleke Eliivuru ya Yobi, muliyale tu, okhala wira, okhala wira ti Yobi onlakiherya eyo, moota owo aawehaawe osulu ni ovaha masina itthu iye osulu.

⁷¹ Ni nwehe, mwa sotiyyako, epacenrye ni exeeni? Etthu yoopacerya mwa sotiyyako ti harusi. Etthu yookiserya mwa sotiyyako ti Leo kharamu. Orwa woopacerya wa Kristu, ovira mwa harusi. Orwa wa neili, Leo kharamu, Kharamu a nihimo na Yuta.

⁷² Vano Enookhi aahimaleliha nihiku nawe, ahiiso wu nihiku nle, epiraamite. Ni eyo yaani . . . Vekeekhai, hiyo khanirina okathi wira nooniherye mulipiheryo ni wooniha moota epiraamite ele yaavenxiwaaya ni ikatthi ni siiso. Eyo ennihimya voolukama okathi wa woomalelani vano. Siri okatthi wa mwene vano, ni miphimo. Masi nluku noolipiha khinnaheliweke vapiraamiteni. Ni nlo nimphwnyaneya voolikana, mwa epakelo, wala—wala etekelo. Mpakha, hata e . . . elaamina ekhaani yoopepheya emmettha . . . Awo khansuwela moota aphiyenryaaya oteka, awo khansuwela, vaamuweryaneya

elaamina y'omettha ovira ipantte alukamasa ole aarowaawe okhala. Ni khaavo alukamasa mwa yeeyo. Etekiwe oratteene, vooloka.

⁷³ Nto ti siiso okathi Kristu ni Ekereja ankhalaaaya mmosaru. Khaavo alukamasa eriyari. Khiivo etthu eriyari; Muluku paahi ni mutthu. Muluku, Kristu, ni mutthu.

⁷⁴ Vano, masi, nluku noolipiha, khinnaphwanyike. Nyuwo munnisuwela Nluku na oScone awo arinaaya oInklattera, wira yaaweliheke mamwene, wala wa—waawariha ekhara, ni sikina. Masi nluku noolipiha . . .

⁷⁵ Nwehe vanootani na etoolare emosa ya wAmerika. Munimoona sinto . . . vanootani na etoolare ya wAmerika, epantte emosa, epantte ya moonoo woothiyana, ti ekanyeryo ya wAmerika, xawawe ni ma . . . mavaka mmatatani mwawe, epantte yaneili, ela eniihaniwa ekanyeryo “ya Estadu Unidu.” Masi epantte enttharelana ti epiraamite ni, vasulu vaya, niitho nuulupale, ni vathi wa enihimya wira, “Ekanyeryo yuulupale.” Mwaha wa xeeni yaarowaaya okhala “Ekanyeryo yuulupale” elapo yeela, hata vasulu va ekanyeryo ya elapo ahu? Munnona?

⁷⁶ Khincala etthu xeeni mumphiyereryaanyu wira, Muluku onniiriha eyo olavula enamuna emosaru. Munnona? Owo onnimwiiriha natampi olavula yeeyo. Owo onniiriha elapo olavula yeeyo. Sothene sihaana olavula sa Yoowo. Hata nyuwo—nyuwo muntthuna waamini wala nnari, Eyo eri vaavo.

⁷⁷ Vano, nwehe, nookhala niitho mwa yeeyo, niitho na Muluku. Nto okhala wira emaliheryo khekhumme, Ekanyeryo Yoolipiha, okhala wira Eyo erookhoottiwa, yoowo aari Mwaana a Muluku; Nluku noolipiha na empa, Ekanyeryo Yoolipiha ya epiraamite, ni sothene iya. Vano—vano, miyo ka . . . Miyo khonkisivela o . . .

⁷⁸ Imaara sikina sinnikaravariwa itthu iya, ni eyo enkhuma eriyari y'axinna mmakerejani, a ikereja sikina. Nto awo yaairaka siiso, vano axinna imaara sikina ankhalana moonelo wovonyeya, wira miyo kinihimya etthu y'axinna. Masi nkinihimya. Miyo . . . Vaakhanle wira mwaaniwerya owiriyana paahi ni wiiwa saana, moone, miyo nkinimuhimya hata munna. Okhala wira, eyo khenreerela axinna, olavulana vooanara mmosa ni mukhw'awe. Hiyo naahaana olavula mmosa ni mukhwaawe, kahi voovirikanyana mmosa ni mukhw'awe.

⁷⁹ Masi kaalavulaka imaara sikina sa mutthenkeso khata, ntoko Prespiteriyaano, Metotista, wala sikina, awo aniira, “Moone, owo t'ovirikanya.” Miyo nkininvirikanya munna mmo, wala munna muthiyana mmo. Eyeettihelo enivalaaniha oxinna ti yeeyo kinlavulaaka kivrrikanyaka. Aana a Muluku emusi emosa, ni kahi—ni kahi makhuru oohiyana-hiyana.

⁸⁰ Nto akina aniira, “Miyo nkinrowa okhalana naata n'iyoy, okhala wira owo ti Prespiteriyaano. Nto miyo ka Metotista.”

Munnona? Vano, kahi yeeyo. Munnona? Ti eyeettiheryo ya mutthenkeso owo onihonona oxinna owo. Munnona?

⁸¹ Vano, eyo, ntoko sihimye aka, vaakhanle wira mwaakhuruwela muro mmwaatiyani wowuusaala wowooneya owalakakha, munarowa ophavela ovira vakhwararani, ni koosuwela wira eyo khenrowa olikana, ahe, nto, kahi wira kinookhuwela, koopwapwelakani. Kimphavela wira mukhume mmwaatiyani mmo. Munnona? Okhala wira, ti mwaatiya onrowa ophutuwa, nto—nto—nto nyuwo munrowa ohiiwa muttelemaka, meekh'inyu, mmaasini. Tivo—tivo kahi—kahi munna mmwaatiyani, masi miyo kinimukhuwelela munn'owo wira kimoonihe etthu enihalela okhumelela.

⁸² Ahe, iyeettiheryo iya sothene, atthu apanke aya mwa soophwanya saya sihaana ophweeyasa. Ti yeeyo tu. Sihaana ophiyerya. . . Nihaana ophiyerya wiiraana, oxinna. Eyo t'enkhalaka etthunelo aka ya ekumi ti ophavela wiiraana nave kahi okawaniha mutthenkeso, masi ehiye akhili aya, ni ekhale axinna ni khula muKristu ooyariwa vasya. Munnoona? Owo, owo ti muupuwelo. Ti vaavo miyo kiniihelaaka-vo, ahe, vano, axinna mwaaweha vale. Miyo. . .

⁸³ Anci-ene w'axinn'ihu, hata eriyari ya Ehapari ahu yooreera Yoomalela, awo khanaamini wira aPatista ni aMetotista, ni aLuteraano n'akina, aakhalanasa mureerelo. Masi, vano, awo pooli okhalana exariya. Masi miyo nkiniiraana ni yeeyo. Kinnaamini wira okathi va, wa Okathi wa Lutero, okathi ula *va* waaihaniwe, kookupali, Okathi wa Sarti. Vano nto Okathi wa Filatelfia, w'aMetotista. Vano nto Okathi wa Pentekosite, Okathi wa Lawotiseya. Miyo kinnaamini wira owo okathi. Ni Muluku, mwa khula mmosa wa okathi ule, aakuxale atthu oothanliwa. Ni mwa yeeyo, ntoko aHeperi 11 anihimyaaya, wira, "Awo khankhala ooreerihiwa voomalela hiyo nihikhanle." Munnona? Masi vano Ekereja ekhumme mwa *yeela*, erwaaka vakhani okathi wothene, mpakha Eyo okela okathi wa Pentekosite.

⁸⁴ Vano, etthu enihimeryaaka yeela, wira mukhalane muupuwelo wa etthu munn'ole olonhe awe. Ni yooloha awe vekeekhai ti elikanyiheryo wa ele eniixuttihaaka.

⁸⁵ Nwehe vano va, vano, itthu iya sothene Petru Oopacerya versiikulu 6 ni 7 onoohimeeryaaweni, okhu-. . .ni waamini wanyu, eyo ti yoopacerya. Vano, miyo kinihimya wira atthu annihimya okhalana maneema ala ahiyariwe vasya. Ni kookupali wira kihimye moonelo wo olipa murima ni wira, "Eri ntoko ntthokolo neereryaka owara mapururu a mulalampi mwa yoowo, wira akhale mulalampi." Owo khokhanle wiiraka. Nihaana okhala nipururu n'ephattu nininnuwa mwa yoowo. Muhina mwawe ohaana okakhela nipururu nlo ota.

⁸⁶ Ni okathi wothene, ni okathi wothene kinnihimmwaka okhala oolipa murima ni axinn'ihu athiyana, mwaha wo

okhalanaka maihi oometthiwa, ni wiisoottiha itthu wiitho wothene, ni itthu. Kweekwe kinnihimyaniwa okhala oolipa murima ni axinn'ihu athiyana. Ka—kahi wira kirookhalana etthu ya nthowa ni yeeyo. Nkinihimya wira muthiyana owo kahiyo muthiyana ooloka, wira owo namweettasa pure wala etthu siiso. Owo kuhiyo mweettelo aka. Masi, t'ila, owo aahelakaru soopakiwa sinci-ene ota, enooniherya wira khireere yoopakiwa muhina, moone, vaavo vaatthunya okhala oosareya Kristu. Okhala wira, ota kweekwe onooniherya ele eri muhina. “Ni mihokorokho saya munimwaasuwela.” Munnoona? Nto vaavo Kristu vantthunyaawe okhala muhina mmo, ni okhapelela mwaha wa Muluku, ni okhapelela itthu ikina ohiya ereeriheryo yinci-ene yoopakiwa, ni moosuwela, ikaphi—kaphi sooripelela, soohilikana ni mutthu, ni inamuna sothene iyo sa itthu. Miyo nkinkupali eyo tu, ni kinnaamini wira Bibilia khonikupali, tivo okisivela okhala paahi ele ekhanlyaaahu.

⁸⁷ Nwehe, vano, owo aahikhalane makwarikhwa mukathani sa matata, ni khunatthuna ohela-mo; owo aahikhalane maino, ni onaphavela; aahikhalane moono, ni onapahavela; aahikhalane maihi, ni onaphavela; mwaahikhalane itthu iya, eyo ti yoovirikana. Masi mwaakumihaka maino anyu eekeekhai ooreera, mwaha wo wira khanaarya paahi ntoko saathuneyaaya, vano muhiira yoonanara. Mwakhalana maihi ooxeerya, nto munatthuna ooriipa, vano munarowa nno opintari ooriipa, okhala wira paahi; nyuwo muhiira voonanara. Ayo, kinoona siiso. Masi etthu yuulupalexa . . . Kiiivo Yoolempwa ya yeeyo. Paahi, voomettha maihi anyu, yookhala Yoolempwa wa yeeyo, ayo, khasireere seiyo, tivo nto nintthuna nilipiherye wira eyo ekeekhai, vano.

⁸⁸ Vano, munn'ihu, olohaka, owo aalonhe wira owo . . . Ahe, yoopacerya, owo aahikattyamiheya. “Eniphwanyihani otthikela, ni ophavela wiilipiha mwa makhalelo, vakhala wira Muluku onnivekela wira naakhele Erooho Yoowaarya nave hiyo khanirina Yeeyo?” Vano, nkinoona . . .

⁸⁹ Khino ela enookaravariwa. Masi vaahikhale . . . Yakaravariwa, eyo ti ya ekereja paahi. Munnoona? Vano, akhala munna onivara ela, ni wiiwa nsu naka, munna, mwa yeela, muupuwele, miyo kiniixuttiha ekerej'aka paahi. Nyuwo kweekwe, ohoolo wa muthukumano anyu, mutthokelele i—ifiita, nto mwaahitthune wira muthukumano anyu wiiwe, muhaahiye yiiwaka. Masi kimpavela paahi ohimeerya nikhuru nla naamukhaani va, nenla—nenla Munna Neville ni miyo, ni Erooho Yoowaarya, nimphavelaahu o—orumeela ni owiixuttiha yaawo.

⁹⁰ Vano, sookhala kamosa-kamosa wa itthu iya khino muhineemereryaanyu vancipale. Vano aakhanle-ene, ti siiso kweekwe sihimme aka wa omukhuura mwalakhu oowaarikiwa, “Mwaphwanya nikhuva, khimunimurihela

mwalakhu ota. Munirihela nikhuva.” Tivo kweekwe mwiireke siiso. “Mwaalyaaka etoorta ya serexa, vano khuphwanya enuku, khimwaarowa orihela eserexa. Munirihela enuku paahi.” Tivo mwiire etthu emosaru yeeyo mwaaiwaka Ela.

⁹¹ Vano, miyo—miyo kinnaamini wira—wira e—etthu onkhalelaaya waakanyerya vanci-ene olelo, mwaha wa Erooho Yoowaarya, mwaha wo wira kheniixuttihiwa oratteene. Miyo kinnaamini wira opatiiso onniixuttihiwa. . . ni eniiriwa paahi “opatiiso.”

⁹² Masi vano okhala ntoko saarowaaya wiiriwa “ekaaro.” Masi vano kookhalana mamekaaniku anci-ene mukereja mu, nave nkinsuwela etthu ya yeeyo. Tivo kavonya vale, axinna, ki. . . Muupuwele, miyo nkihiyo mekaaniku. Sihaana okhala ipopiina, ni iveela, ni malutte, ni ivaavula, ni sothene sikina, simpaka ekaaro.

⁹³ Nto mwaalavulaka sa opatiiso wa Erooho Yoowaarya, sookhala itthu sinci-ene sinrowa ni Yeeyo. Huh? Munnona? Sookhala itthu sinci-ene sinrowa ni Yeeyo. Nto moone enuupuwelaaka wira Muluku onnooniherya: Erooho Yoowaarya eri vaava. Munnona?

⁹⁴ Vano, Petru oohimya, yoopacerya, “Waamini.” Vano nwehe oratteenexa vano. Ninrowa wiixuttiha yeela minuutu vakhani. Waamini, vano, ti woopacerya. Ni mwaacererye mwa waamini wanyu, ikuru; mwa ikuru sanyu, akhili; mwa akhili anyu, wiisumaaliha; mwa wiisumaaliha wanyu, ovilela; mwa ovilela wanyu, othunku; mwa othunku anyu, waaphenta axinna, oreerelana murima w’axinna; nto vo mphento. Nto khula mutthu onnisuwela wira ophenta Mulukuu. “Muluku ophentaa.” Munnona?

⁹⁵ Vano, eyo nto, mwa yeela, vano nto niruuhelaka yeela okathi mithanu na miili wa ekereja. Muluku onimuteka, muhina mwa okathi mithanu na miili wa ekereja, Mwaakameliwa a Kristu; ovira mwa Filatelfia, Tiyatira, ni Perkamu, ni Smirna, ni Efeso. Okathi wa ekereja, Yesu ohimye awe wira, “Vakhala wira—vakhala wira Mutheli onimoorwa owehererya woopacerya wala owehererya wa neethanu neili, aximwali ala othene avennye.” Awo yaari. Awo yaahivenya, aximwali harusi a wEfeso, Smirna, Perkamu, Tiyatira, Sarti, Filatelfia, ni Lawotiseya. Mooweha yeeyo? Waari okathi wa neethanu neili, Owo orwii’awe khwavenxa aximwali ale oorupa. Eyo ennaaruha okhuma wu mpakha *va*. Munnona? Maana, mwa yeela, moovirani mwa miyaakha, okathi, Owo onimuteka Mwaakameliwa, oyariwa Mwaakameliwa, ompaka Mwaakameliwa mulaponi a Kristu. Ni enamuna emosaru Owo onimpaka awe Mwaakameliwa ola, Owo onnaayara atthu.

⁹⁶ Vano miyo kinvaha mulipiheryo wa yeela, wira moone okathi yooloha ya munna entharihiwaaya.

⁹⁷ Vano, itthu iya va sihaana mara okhala mwa muKristu Erooho Yoowaarya ehinatthi hata omuthhitta ekanyeryo, ela ehinatthi okhuruwa osulu ni okhala mwiiwanano mmosa.

⁹⁸ Vano, yooloha ya munn'ihu vano. Owo aamuvelavela sinto aahikhalana Erooho Yoowaarya wala nnari, okathi waammaathale-awe voolilini wookhuneya vaavo aiy'awe yaasomaaya epaphelo ya ihapari. Ni owo ookhalana axikhaani, ntoko sirinaaka, nto awo kweekwe anoonyakulasa n'itthu siiso. Nto siiso, mwa yeela, owo aahirupa ntoko minuutu soophiyaka muloko, wala muloko ni mithanu. Vano owo khuloha. Ni owo khonaweryeke osuwela saana, wala otthokelela saana, mwa mwaakha mmosa ovinre, ohalela, mpakha Mutthak'ola wiixuttihiwa. Vano, okathi waaixuttihaaka, sothene saahimutthikela khuupuwela. Nto owo aalonhe wira aanvekela.

⁹⁹ Owo aamweetta nno ni nno, yoopacerya, ohinatthi oloha, ni ottikitthaka matat'awe, ni uupuwelaka, "Pwiya, kihaana Erooho Yoowaarya? Mookhala ookooniherya. Akina aniira, 'Okhala wira—miyo kookhuwela.' Wala akina khwira, 'Okhala wira koolavula ilavulelo.' Ni hiyo ninnaamini sothene iyo. Masi vekeekhai miyo kookhalana Eyo?"

¹⁰⁰ Miyo kinnaamini itthu sothene iyo, maneema ala, olavula ilavulelo, n'unyakula, ni inamuna sothene sa wooniherya. Miyo kinnaamini yothene eyo. Masi yakhala vo ehirina *Ela*, yookhala etthu ehilonke. Munnona? Vano, moone, moone, nyuwo—nyuwo murina nikatamphe. Nwehe.

¹⁰¹ Nto owo aahithanana mwaha wa yeeyo, nto owo khummaathi voolilini wookhuneya vaavo aiy'awe yaasomaaya, vano owo khuruwa khurupa.

¹⁰² Vano owo aalonhe wira aari vasulu vamwaako. Nto vamwaako va, yooreera...Nkirina epaphelo ohoolo waka, masi kinoona wira ti sa. Aalonhe wira oonale n—nluku ntoko, ekaaxa—ntoko e—ekhalihho, yaaphwanyaneya vasulu saana va mwaako yoola. Nto aiy'awe yaari ottuli wawe. Nto owo aahimoona mulopwana mmosa muulupale eemenle vale, owandre-ene ikuwo sa omutekoni, miyoono sookhuniwa, orikaka ni mucoma maasi ooreeraxa aatonko awe wouna, ayeheheryaka mukaaxani mu, nluku nla ntoko ekaaxa naaphwanyaneya vasulu va mwaako. Ni nluku ntoko ekaaxa khinaavarelela maasi. Nto nlo naamuphirikeya nikhumaka-vo, nto ikokhola sothene, ni ikopo ni sothene mmo saaniwela, saamukhuma sikaphulaka ni ophirikeyela vathi va mwaako. Ni saaniphirikeya vasulu va inawu sawe, nto owo eemenele va etthu yeeyo, nave khiyaaphara mwa yoowo.

¹⁰³ Nto—vano nto owo khukoha mwaha wa xeeni ekaaxa yahaavarelelaaya, nto mulopwan'owo khwira, "Awo kahiyo maasi. Eyo Erooho Yoowaarya, ni," khwira, "khiyaavo envarelela

Eyo.” Ni khwira, vano owo khutthika khukuxa mucoma mukina muulupale, ni waari woosareya oravo, khuyeeherya oravo mwemmo, khwira, “Vano enoorowa ovarela ela.” Nto owo uupuwela wira ekaaxa, yaari nluku ntoko ekaaxa, naarowa ophutuwa niyeehi oravo, masi khuhiphutuwa. Vookiserya khukhala ntero nene ni khuvarelela.

¹⁰⁴ Owo khurukunuwa khukhuruwa mwaako. Okhuruwaka mwaako, owo aaheemela mukhitte mwa mwaako khuweha ottuli. Khoona miro mithanu sa maasi ala, ooloka ni oowaarya, oohirava itthu saavinre-mo, nlelo ooloka ni oowooneela, erwaaka voowaakuvu. Vano khunarwa vakhani-vakhani. Nto, yaahalela orimeeleleya, nto owo aamuthanana khama yaanphiya mukhitte mwa mwaako, miro mithanu. Vano owo khuvenya.

¹⁰⁵ Kinoona wira eyo yoophiyerya okhala yoolikana, kahi siiso, Munna Shepherd?

¹⁰⁶ Vano, naanaanoru vakunxaaka ewarakha khutaphula, kihinatthi osoma, kaahoonu yooloha awe.

¹⁰⁷ Ti siiso sooloha sintaphuleliwaaya. Vano, anci-ene a nyuwo mookirweela ni sooloha, ni—ni munnikileela itthu sa sooloha. Miyo kiniira, “Mulipelele vo. Khimunahimye yothene.” Munnona? Kinatthika ni ovara. Nto mwaahiwereweke ohimya elonhe anyu, munsuwela sayi wira otaphuleliwa waya ti woolikana wala nnari? Munnona? Muhaana, muhaana woona yooloha ene. Yoowoona ehaana wooniherya yooloha ene. Nto moonaru yooloha mutthu olonhe-awe, ni munawerya omutharihela owo ohinatthi wootharihelani, vano munoosuwela otaphuleliwa waya.

¹⁰⁸ Ahe, kinnaamini wira eyo eri mwa Yoolempwa, nave, Daniyeli, emaara emosa. Khiyaari yeeyo? Khwira...Ayo. Kookupali wira kinoomalaru wupuwela yeeyo nto. Munnona?

¹⁰⁹ Masi nyuwo kweekwe ennooniwa yooloha ene, vano, otaphuleliwa waya wakhalaru woolikana. Mutthu apacerya wooleelani yooloha, munoowerya omweemexa, wira, “Mulipelele minuutu mmosa. Ni aari *lexe ni lexe*. Aari *lexe ni lexe*, ni-tho *lexe ni lexe*.”

Vano nto nyuwo muniira, “Eyo ekeekhaii volikana.” Munnona?

¹¹⁰ Mulopwana mmosa, nihiku nlo, aatthuna okileela yooloha aalonhe-awe. Owo khwira, “Ahe,” owo khwira. . .

Miyo khwira, “Vano, munna, muhiyenryeni epantte ekina?”

Owo khwira, “Epantte ekina xeeni?”

¹¹¹ Miyo khwira, “Mulonhe wira mwaarihenge nluku osulu, nto miyo koopela nto vakhani naya khumorela muniithoni mwaka.”

112 Owo khwira, “Eyo ekeekhahi voolikana, Munna Branham.” Ni epannte yookiserya na nenlo nittottiwe, nsana. Uh-huh.

113 Nto eyo vo. Munnona? Munnona? Mwaha wa xeeni? Khamunihimya ekeekhai ya yeeyo, masi, moone, Eyo kweekwe ennuupulula, ele, enihimya yooloha anyu, etthu mulonhe-anyu. Vano munoosuwela wira ti yoolikana.

114 Vano, ola t’uri otaphuleliwa wa yooloha awe. Owo aahihaaxeya mwaha wa Erooho Yoowaarya. Vano, wira owo aahoonna ekaaxa vasulu va mwaako, naari nluku. Nluku ntoko ekaaxa, *nluku* na, “olapa.” Vano, ntoko Yesu sihimaly’awe mwa Yoolempwa. Owo iirale, Petru iirale. . . “T’ani,” Yesu iirale, “atthu anihimya wira Miyo, Mwaana a mutthu, ki pani?”

“Mmosa khwira Nyuwo mwa ‘Eliya,’ ni ‘Moise,’ ni siiso.”

Nto Owo khwira, “Masi Nyuwo muniira wira Miyo ki pani?”

Owo khwira, “Nyuwo mwa Kristu, Mwaana a Muluku mukumi.”

115 Vano, atthu akina aniira vano, ekereja Katolika enihimya wira, ekereja Katolika y’oRooma enihimya wira, wira Yawawe. . . “Ole waari mwala, Yesu ohimmyaawe wira, ‘Vamwala va Miyo kinooteka-vo Ekereja Aka, vano mikhora sa mookhwaani khasinrowa oxintta.” Awo ahimmye wira, “Waari vasulu va Petru. Ni wira Petru aari mwala yoole, okhala wira *Petru* enihimya ‘nluku nikhaani.’ ‘Vasulu va nluku nla nikhaani Miyo kinooteka-vo Ekereja Aka.’” Nto vasulu va Petru, awo, oranttelana w’arummwa, awo aateka-vo ekereja.

116 Vano ekereja Prustante enihimya wira, “Ti yoovonyeya. Wira, yaari mwa Yoowo mwaneene Owo otenkaawe Ekereja.”

117 Vano, kahi wira kivaanyihe, masi, miyo, wa enamuna aka yo woona, soopiili soovonya. Okhala wira, owo khonatekeke Eyo vasulu va Petru, nnakhala khonatekeke vasulu va Yoowo, masi waari vasulu va muupululo wa Petru wa Pani Owo aaryaawe. Munnona?

“Atthu aniira wira, Miyo Mwaana a mutthu?”

“Nyuwo mwa Kristu, Mwaana a Muluku mukumi.”

118 “Ooreeriwa ti nyuwo, Simoni, mwaana a Yona. Erutthu n’iphome khewuupulululeni ila,” eseminaariyu khata, moone, “masi Atithi Aka ari Wirimu t’awuupulululeni. Nyuwo mwa Petru. Vamwala va wo ohimya, vasulu va muupululo ola, Miyo kinooteka-vo Ekereja Aka.”

119 Ni eyo ennikhala, khula okathi wa ekereja onkhalanaka mwala yoowo wa ohimya, mpakha vamwala yoola w’ohimya wa Lawotiseya.

120 Nto, vano, khimukhanle okhalihaka ekereja yoowaarya. Khiivo etthu ene eyo ntoko ekereja yoowaarya wala mutthenkeso woowaarya. Erooho Yoowaarya pooti olaleiwa mwa yeeyo,

masi mpaani mmo nyuwo munaaphwanya ooreera murima ni ootakhala, oohiya waamini, oohicaliwa, ni itthu sothene sikina. Vano mutthenkeso khonvarelela. Khokhanle wiiriwaka, “Hiyo nookhalana Eyo. Khaavo akina w’awo arina Eyo.” Nnari, mulopwana. Erooho Yoowaarya emmwaraxeliwa atthu v’omeekha. Ti mutthu.

¹²¹ Vano, tivo, mwala, Ekerej’ela ya pentekosite, nihiku nookiserya yaahaakhela Erooho Yoowaarya, yaakheliwe mwa yoopacerya. Moovirani wa okathi wothene, awo yaakhela Erooho Yoowaarya, masi kahi mwa mphimo awo arinaaya Eyo vano, okhala wira ohokoloxiwa wa ele yoopacerya. Naakuxaka mithuko, Alfa ni Omeka, moota yaapattinhe aya eveela yoopacerya; yaamurowa vasulu, nave khukhala yooriipelaxa; vano khutthika-tho. Munnona? Yoopacerya ni yookiserya, ni siiso.

¹²² Vano, masi okathi ula wa ekereja, Mutthaka onooyeeheriwa mukereja. Masi erutthu ya ekereja, eneene, voomalela ntoko e . . .

¹²³ Etapernakulu ila, hiyo nnimwiira. (Ti vaavo owo onrowaawe okereja.) Etapernakulu ila kehiyo etapernakulu ya Erooho Yoowaarya. Khekhanle etthu iyo. Atthu anvolowa mukereja mu t’akhanle mampa a Erooho Yoowaarya. Awo t’akhanle mampa arina Erooho Yoowaarya, masi kahi ekereja mw’erutthuni, nikhuru. Tivo, Eyo enoomala.

¹²⁴ Masi, etthu, mulopwan’ola aayeeki maasi, namitthaka a ekereja, oyeeheryaka Mutthaka mukereja, maasi ala yiira exeenii? Ekaphulaka awo yaakumiha ikokhola sothene saari mwa yeeyo. Ti yeeyo Erooho Yoowaarya eniiraaya, enooweliha ekaphulaka, vano.

¹²⁵ Vano, oravo waathoonerya waaphenta axinna, oreerelana murima w’axinna, yeeyo ekhanle okathi ula. Kinoomalaru ohimya, moone, oreerelana murima w’axinna, okathi onkhalaahu vano.

¹²⁶ Vano, nyuwo pooti wira, “Nkawehani, miyo—miyo—miyo vekeekhai khonkisivela Munna Neville.” Wala, “Vekeekhai khonkisivela Munna Jones. Khonkisivela Munna *Lexe ni lexe*,” ni etthu siiso. Masi muhiye paahi emukhumelele etthu, munna, murima anyu onooriipiwa. Eyo enihalela owiivani. Munnona? Hiyo ninooowerya ophwanya oreerelana murima w’axinna ni woonelana othunku mmosa ni mukhw’awe. Munnona? Masi wira nikhale munikhuruni n’atthu . . .

¹²⁷ Munivelavelelani ni yeeyo munna? Okhala wira mookawana mukatthe ni yoowo nno waltaari, ntoko munrowaanyu wira ohiy’ula. Munipatthana ni yoowo. Nyuwo moovahana matata ni yoowo. Nyuwo munkokhorela ni yoowo. Owo ti munn’inyu. Ni khino owo onimwiira etthu mw’erutthuni, nyuwo muhiniiraanaanyu ni yeeyo, okhala wira nyuwo munkhala paahi ntoko, (mwahaakhanlyanyu wiira), masi

munoomusyaka vakhani. Masi vathi va murim'anyu, etthu yamukhumelela munn'owo, eyo yaamuhalela owiivani, wala munn'ole muthiyana.

¹²⁸ Miyo—miyo ka mutokweene. Miyo kaahitoko okhala mmiravo, nto vano kihuuluvala. Kinnoonaka, wiireya siiso, moovirani m'okathi. Kinniwiiwa atthu yiiraka, "Miyo nkinrowa-tho okhala nnaata n'ale." Nto yamukhumelela etthu mulopwan'ole, eyo ennihalela owiivani. Owo onimuupuwela, "O Muluku, koomuhiya munn'aka oophenteyaxa orowa, kihikhallanne opatthani ni yoowo." Munnona? Munnona? Munnona? Iwo waaphenta axinna. Enikhala ntoko khoniphara, masi onniphara. Oravo, owo onniphara.

¹²⁹ Vano, wira owo aakhuma vale, akhuruwaka ntumuxa, mpakha mukhitte mwa ntumuxa, vano, maasi ala oovuwa yaakhwalala ovira vamatumuxani, mwa miro mithanu. Vano, thanu numero na mahala; Y-e-s-u, w-a-a-m-i-n-i, m-a-h-a-l-a [mw'Enkelesini "Yesu, mahala, ni "waamini" othene arina ileetera thanu"—Mol.] Munnona? Thanu numero na mahala. Miro mithanu saamukhwalala okhuma va vasulu, ekhuruwelaka *va*.

¹³⁰ Khula mmosa wa okathi iya waarina nluku nlo na ohimya. Masantu anoorupa, elipelelaka, elipelelaka, elipelelaka, elipelelaka, moone, etthikelaka mpakha okathi ula. Masi vahilekenle Erooho Yoowaarya, emwaraxiwaka okhuma wa Kristu, enimoorwa ni enoothitta ekanyeryo Ekereja. Vano Ekereja enookuxiwa. Onrowa okhala omosa woomalela wa Muluku, Mwaakameliwa a Kristu, yoowo onrowa okhala Muru wa itthu sothene. Munnikitthara vano? [Muthukumano oniira, "Amen."—Mol.]

¹³¹ Vano, owo aanitikinihiwa. Vano, moolohani mwawe, owo aanitikinihiwa, "Muro ola mwaamukhaani...Muro ola waamurowa ophiya mukhitte?" Munnona? Waamuuma. Vano, okhalaka wira, owo mmansawe. Vano va t'ile entthunaaka wira mwiiwe vano. Owo aaniikoha mwaha wa yoowo mwaneene. Owo "aahikhalana Erooho Yoowaarya"?

¹³² Vano, kaahisyaka ohimya ela, mahiku vakhani avinre, kuupuwelaka wira ekereja yaamukhala ya erooho voophiyerya wira evare. Ni khino vanreerela kittipihe efiita ela naanaano va, masi okhala wira nkinthuna wira ekhume eriyari y'axinna. Masi mwaamuwerya olavula ilavulelo, mwaamuwerya okhuwela, mwaamuwerya wiina, mwaamuwerya owoomola axetwani, wira khula etthu entthunaanyu, nave nlelo muhirina Erooho Yoowaarya.

¹³³ Awiixutti ale khiyaatthikale, etthapaka ni ekhuwelaka okhala wira axetwani yaaniwiiwelela, nto Yesu...eriyari aya aari Yuta?

134 Yesu khohimnye wira, “Nihiku nle,” okathi Owo orwiiy’awe, wira, “anci-ene animoorwa wa Miyo yiire, ‘Pwiya, miyo nkiwoomonle axetwani, ni mwa Nsina Nanyu nkivanre miteko suulupale?’ Nto miyo kinimwiira, ‘Mukhume wa Miyo, nyuwo muniira sootakhala. Miyo nkoosuwelani.’” Itthu iyo khasihiyo nthoonyeryo wa Erooho Yoowaarya.

“Ni mihokorokho saya munimwaasuwela.”

135 Vano nyuwo muniira, “Munna Branham, hiyo, naahaana olavula ilavulelo?” Vekeekhai mara. Iyo soovaha sa Muluku. Masi soovaha iyo sa Muluku, soohikhalana maneema ala mwa seiyo, sinkhala nluku nookwattula wa mulipa-oohaamini. Khenkupaliwa ni Muluku.

136 *Ela* ehaana okhala yoopacerya. Nto mwakhalana waamini, ikuru, akhili, wiisumaaliha, ovilela, othunku, ni waaphenta axinna, vano Erooho Yoowaarya enookhuruwa khoothittani ekanyeryo ntoko omosa, siiso ntoko Eyo entthittaaya okathi wa ekereja ntoko omosa. Enamuna Owo onimpakaawe Mwaakameliwa Awe ti enamuna Owo onimpakaawe mutthu Awe; oopakiwa ni ikaruma imosaru, ntoko Hawa saapakiwaawe okhuma mwa Atamu, niparari nimosa mpararini. *Va* ti siri itthu sinthuneya nyuwo okhalana toko. Khimukhanle otakiheryaka. Khivanweryaneya otakiha. Iyo sihaana ovelelihiwa ni Muluku ni oyariwa ni Muluku. Otakiha onruuha evitika-vitika paahi.

137 Eri ntoko sihimalyaaka. Mwaamuwerya otthokelela omoona mwaapalame onikhuura enama yowunnta okilaanthe-ene vale ni epompa ya mapururu oophareela mmapuphani mwaya, airaka, “Nkoonani, miyo ka epompa!” Owo kahi epompa. Owo mwaapalame onikhuura enama yowunnta, marepo. Mwaamuwerya otthokelela ntthokolo ni mapururu a mulalampi mmapuphani mwaya, ni airaka, “Munnona!”? Eyo etthu owo opharihenlyaaawe-mo.

138 Masi ehaana okhuma muhina mpakha ota, ni enikumiherya oKristu; Muluku, ni owerya wa Erooho Yoowaarya!

139 Munn’ihu aahihela inawu sawe soonaana vaaphiyalyaaawe mukhitte. Othene hiyo ninnimusuwela Munna Sheperd wira nanvaha. Etthoko awe ti yoothukuwa. Owo ni murokor’awe, nkincala akhala namweettasa pure, namalola, onakhaleru exeeni, awo anoonvaha yoolya, wira etthu p’itthu anweryaaya wira emukhaliherye. Oh! Muluku ookupali iyo, mpantte awe wa mulipiheryo awe.

140 Nto va ti, vano, mwiiwe saana nisomi nla. Va ti vari yoovonyeya ni e—ni e...Miyo kintthukula ela. Va eri ele evonyeiyi ni Tapernakulu Branham. Moone, sookhala inamuna piili soovirikana sa waamini. Sookhala inamuna piili soovirikana sa ikuru, ntoko saahimnye aka nihiku nikina. Inamuna piili soovirikana s’akhili. Inamuna piili soovirikana sa wiisumaaliha.

¹⁴¹ Mmosa onuupuwela wira okhoottiha, awo aakhalana. Eyo kehiyo enamuna yo wiisumaaliha Muluku onihimyaawe. Oviruwa iwe, wootakhala ni wooheettihereya murinaanyu, ni itthu sa epante yeeyo, sintthika, waakhulana.

¹⁴² Ovillela, ni siiso, wookhala onyemula wa yeeyo, eyoothereryo okhala; waamini wo ovahiwa w'ephattu; ikuru soovahiwa v'ephattu. Wookhala wiisumaaliha woovahiwa w'ephattu. Itthu iya sothene sinvahiwa v'ephattu.

¹⁴³ Nto epante yuulupalexa ya waamini wahu ti waamini wa muupuwelo. Mwaha wo wiiwa Masu, onniniruhela omusuwela Muluku wa mmuruni.

¹⁴⁴ Masi Ela, yakhumaru Osulu, oh, munna, Eyo yaphiyereryaru ephwanyaka *ela*, wookhala waamini w'oreera murima wa muroohoni. Vano waamini iwo oniira exeeni? Waamini iwo onsuwela Masu paahi. Khivancala ele etthu ekina enihimyaaya, onsuwela Masu paahi, okhala wira, "Wopaceryani naari Nsu, nto Nsu naari ni Muluku, nave Nsu naari Muluku." Vano Nsu nlelo Mulukuu. "Vano Nsu nihiipaka erutthu khukhala ni hiyo." Nto okathi Masu Aneene aniyeeheryaaya mowaaminini mwahu, waamini wahu wa mmuruni onkhala muupululo wa muroohoni.

¹⁴⁵ "Nto vasulu va mulipiheryo ola kinooteka-vo Ekereja Aka." Munnona? Kahi vasulu va muupuwelo wa mmuruni wo wiitakanxa mukereja, muupuwelo wa mmuruni wa Yeeyo; masi vasulu va muupululo, okathi miro sa mahala simmwareelaaya moowaaminini mwemmo wa mmuruni murinaanyu. Vano, vasulu va yoola, muupululo wa muroohoni, "Miyo kinooteka-vo Ekereja Aka, nto mikhora sa mookhwaani khasinwerya oxintta Yeeyo." Munnona? Eyo enooniherya wira yaarowa okhala oovirikanya Yeeyo, masi khenrowa oxintta. Oh, etthu xeeni yoovuwa! Vano nkoonani waamini. Miro iya mithanu. . .

Kaahikhalana nipattuuxa na exiixi va, masi kinoona wira owo khonaphiyereryeke oruua.

¹⁴⁶ Masi miro mithanu sinooneya sikhuruwelaka va, sinnitakanxa *ela*. Yaari Erooho Yoowaarya epanke ekereja wa Efeso. Yaari Erooho Yoowaarya eyanre ekereja ya Smirna. Erooho Yoowaarya evahale ekereja ya Perkamu, ni ekereja ya Tiyatira, M'okathi w'Epiphi. Ti Erooho Yoowaarya emutekale Mwaakameliwa owo, ale Oothanliwa akhumme mwa iyeettiheryo sothene sa mitthenkeso moovirani m'okathi wothene, siiso. Ookhala Mwaakameliwa, Oothanliwa ni ootthommwa a Yesu Kristu, Erooho Yoowaarya animwiihanaaya, Oothanliwa. Ni enkhala Erooho Yoowaarya okathi *ula*, okathi *ule*, okathi *ule*, *ole*, *ole*, *ole*, *ole*, mpakha ophiya osulu, Erooho Yoowaarya.

¹⁴⁷ Nto vano ntoko mwa atthu, maneema ala ni itthu, ti akhili ni wiisumaaliha, sinnaacereriwa mowaaminini mwahu. Vano okathi Nluku noomaliherya ninrwaaya, Erooho Yoowaarya

enimwaapatthela Eyo. Wookhala opatiiso wa Erooho Yoowaarya. Mwaha wa yeeyo oryaaya vathixa olelo.

148 Miyo kinnoona va, kookhalana soosoma kamosa-kamosa silempwe va. Nrowe noone. Kaahikhalana elatarato yaakwerethiwe va, ya yooloha awe. Munnona? Khamunwerya woona muryeene vo.

149 Vano, okhuma mwa Erooho Yoowaarya, exeeni enoorwa? Vano Owo onimoovahani, waamini w'erimu, waamini wa muroohoni, eyo *va* vathi. Vano waamini iwo wa muroohoni onsuwela Masu paahi. Voohicala etthu mutthu mukina onihimyaawe, eyo kheni—kheniphwanyiha etthu. Iwo onsuwela Masu paahi. Akhala mutthu oniira, “Mahiku a miiriya aavira.” Waamini iwo onsuwela Masu paahi. Mutthu oniira, “Khekhanle etthu iyo ntoko opatiiso wa Erooho Yoowaarya.” Waamini iwo onsuwela Masu paahi. Eyo ekeekhaii, waamini wa muroohoni, moone. Ti yeeyo. Munnona? Iwo onsuwela Masu paahi.

150 Vano, eyo yaari yoopacerya. Yoopacerya, ephiyaka wa nyuwo, waamini wanyu wa mmuruni vaava va, enoorwa Erooho Yoowaarya ekhuruwelaka mowaaminini mwanyu wa mmuruni, ekhalihaka waamini wa muroohoni. Vano waamini wa muroohoni onsuwela Masu paahi.

151 Vano, ya napiili, ya natthaaru. Vano munookhalana ya muroohoni, munookhala munookhalana Erooho Yoowaarya, ni enoottthitta ekanyeryo ithu *iya* sothene mwa nyuwo, okathi Erooho Yoowaarya eyo enkhuneelaaya *ela*. Okhuma waamini wanyu, mpakha Erooho Yoowaarya, wootthittani ekanyeryo ni Kristu. Vano munkhala Mmosaru. Amen. (Ekumihawe etthu ila ohoolo waka; ti yoolipa mmoononi.) Nyuwo munikhala mmosa. Moone, nyuwo ni Kristu munkhala vamosa. “Nihiku nenlo munoosuwela wira Miyo kiri mw'Atithi, Atithi mwa Miyo; Miyo mwa nyuwo, ni nyuwo mwa Miyo.” Munnona? Vano iwo omosa wootthittiwa wa Apwiya Muluku.

152 Vano, vano nto awo anoolipiheriwa ni okhalihwiwa voopuroni. Okathi owo waairaneyaka, awo ankhala aana alopwana ni athiyana oolipiheriwa a Muluku.

153 Munnuupuwela, Muliivuruni mwa Matewu, kapiitulu 17, versiikulu 1 mpakha 5, Yesu Omwaako wa Orukunuwa?

154 Nyuwo muhiwa *Mmwiiweleleke Yoowo*. Mutthaka ole miyo, va voophiyaka mwaakha ntero ovinre, kilaleiye aka, khukhala woosuwelaxiwa, *Mmwiiweleleke Yoowo*. Omukhalaha mwaana voopuroni, mwa aEfeso 1:5 nave-tho, “Muluku oonitthoma wira nikhalihiwe aana.”

155 Moone, mw'emusini, okathi mwaana oniyariwaawe mwemmo, onkhala mwaana okathi uwo. Masi mwaan'owo aahikhalana alipa-oomuxuttiha wira emuleleke. Nto vakhala wira mwaan'owo khaaphiyerya o—okhala enamuna ya mwaana ooloka, owo khaakhala mulipa-oorithi. Masi aakhanleru

mwaana ooloka, ni mwaana aarowa owiwelela atithi awe, vano mwaan'owo aamukhalihwiwa mwaana, wala aamukhalihwiwa vooপুরoni. Owo aakhala mulipa-oorithi a ele atiithi yaarinaaya.

¹⁵⁶ Nto ti yeeyo Muluku aairaawe Omwaako wa Orukunuwa. Okathi Owo aamukunxaawe Mwan'Awe, Owo vaamanly'awe wehereriwa okhala Mwaana ooloka, moone, ni aahivilela ottehattehiwa wothene, Owo aahimukuxa Omwaako wa Orukunuwa khimukhuneela ni neeku.

¹⁵⁷ Moosuwela, mwa Waataana Wa Khalayi, aakuxiwa mwaana, khuwarihiwa ekuwo yooreera, yoophwanela, khukhalihwiwa ohoolo w'atthu. Vano yaakhalana niira n'omukhalihwi-vo, ahiiso ninihana okhalihwiwa mwaana. mwa aKalasiya mmo, mwa enamuna emosa kinoona wira Paulo onihimya eyo ntoko okhalihwiwa aana. Vano, masi, omukhalihwiwa mwaana, arumeyi anoosuwela, ni anammusoma Bibilia a erooho, omukhalihwiwa mwaan'ola vooপুরoni. Mwa moolumo makina, mwaana aakhala mwaana okathi owo aayariwaawe.

¹⁵⁸ Ti vaavo atthu ahu aPentekosite avonnyaya-vo. Oyariwa mw'emusini, ni Erooho Yoowaarya, eyo ekeekhai, masi nto nihaana okhala enamuna yooloka ya anamwane, ooxuttihiwa ni Mulipa-ooxuttiha oophwanela. Munnona?

¹⁵⁹ Vano, mutthu, okathi wa khalayi, aamuupuwela mwan'awe, owo aathuna wira owo akhale enamuna ya mwaana ooloka, aamukuxa mulipa-ooxuttiha oophwanela owo aakhanlyawe omphwanyaka, mwiixuttihi oomalela ophwanelela, okhala wira owo aathuna wira mwan'awe annuwe akhale ntoko atithi awe. Munnona? Tivo owo aamukuxa mulipa-ooxuttiha oophwanelela.

¹⁶⁰ Vano, vakhala wira mutthu a elapo ya vathi aamuupuwela mulipa-ooxuttiha oophwanelela, anghi Muluku, Tith'ihu? Vano, Owo khonaakuxeke mapixipu, ni makarteyaale, ni anamukuttho. Owo okuxale Erooho Yoowaarya wira okhale Mulipa-ooxuttiha ahu. Nto Erooho Yoowaarya ti Mulipa-ooxuttiha ahu. Ni Owo—Owo ori Mukereja, ni Owo oniroiha muhupi w'Atithi.

¹⁶¹ Vano nto anghi atiithi, ahiiso, mulipa-ooxuttiha aarwiye khwira, "Ahe, Tithi..." Vano, owo khonrowa omukuxa enamuna emosa ya mulipa-ooxuttiha onthuna niwoko no wiisoonaa, moosuwela, nipururu, ninihana siiso. Aarowa wira, "Oh, miyo kaaleenleru atiithi etthu ya... Mwanamwan'ole t'okhootta, khula enamuna, masi miyo ka—miyo kaaleela-ru atiithi, atiithi anookaacererya." Eyo kehiyo enamuna yooreera ya mulipa-ooxuttiha. Enamuna yooreera ya mulipa-ooxuttiha t'a xariya, onihimya ekeekhai.

¹⁶² Ni Erooho Yoowaarya enihimya Ekeekhai okathi Eyo emphiyaaya ohoolo wa Muluku, mwaha wa hiyo. Ayo. Nto Eyo enoowela. Munuupuwela exeeni? Eyo yaamuuliwa muru olelo ohimya wira, "An'inyu athiyana othene aya ammetthasa maihi

aya, nave Nyuwo mwaahimeenrye wira ehiiraseke. An'inyu alopwana khareere okhalana muupuwelo wo wiitthokiha, vahinweryasaaya wiiwanana. Eyo ekeekhai. Ni ankhalihasa *ela* nipuro na Ela ni *ela* nipuro na Ele." Moota ekhanlyaaya wuuliwaka muru! Masi moota Mulipa-ooxuttiha waarowaaya omusivela orwa ni wira, "Oh, wulu! Mwaan'owo mulopwana mwaana eekeekhai. Owo ori siiso ntoko Atithi." Oh, moota Eyo yaarowaaya osiveliwa ohimya yeeyo! Munnona?

Vano Atithi anoosarya wiisinnuwiha, ni animwiira, "Ola ti mwan'Aka!"

¹⁶³ Eyo vekeekhai t'ile Muluku aairalyaawe Omwaako wa Orukunuwa. Nwehe, wira vale aahikhumelela Moise ni Eliya. Nto Petru, oohakalala; ya erimu yaahiiriwa. Petru aahihakalala, khwira, "Nrowe niteke mixaaxa miraru, mmosa Wawinyu, nto mmosa wa Moise, ni mmosa wa Eliya."

¹⁶⁴ Owo nlelo alavulaka, Muluku aahimmaaliha. Owo khwira, "Ola Mwan'Aka onimphentexaaka mwa Yoola Miyo onnikisivela. Mmwiiwelele Yoowo." Munnona? Muluku aahiihela Mmansawe mwa mulipiheryo, ni, "Ola Mwan'Aka."

¹⁶⁵ Moise aathoonyerya ikano. Maprofeta yaathoonyerya exariya Awe. Hiyo khinaarowa owerya okhala ni ikano Sawe. Hiyo khinaarowa owerya okhala ni exariya Awe. Miyo nkinvekela exariya. Miyo kintthuna omoreliwa ikharari, kahi exariya. Nkinwerya otthara ikano Sawe, ni nkinwerya otthara exariya Awe. Masi kintthuna omoriwa Wawe ikharari. Ni Muluku ohimye wira ikano ni exariya simaliheriwe mwa Yoowo. "Owo Mwan'Aka onimphentexaaka. Mmwiiweleleke Yoowo. Ti Yoowo. Owo ti Yoowo."

¹⁶⁶ Vano, mwa Waataana Wa Khalayi okathi mwaan'owo aakhalihiwaawe mwaana, wala oheliwa mw'emusini, nsina nawe naakhala noophwanela vaxeekeni ntoko nle n'atithi awe. Ayo, mulopwana. Awo khayaarina e. . . Awo yaarina epeethe, mahiku ale, e—ethoonyeryo, ekanyeryo. Nto awo yaani. . . [Munna Branham ontakiherya osenya ni ommana epulpitu—Mol.] Yaamusenyela, khunwariha, eyo yaari ekanyeryo. Eyo yaari paahi. . . Owo aawara epeethe ya atithi awe, ekanyeryo aya. Nto eyo yaakhala siiso ntoko ya atithi awe.

¹⁶⁷ Vano, okathi Yesu aaiwelenlyaawe, Yesu wa Muluku, Muluku aahimukhalaha voopuroni, "Ola ti Yoowo."

¹⁶⁸ Vano, mempuru ayariwa-ru ni Erooho Yoowaarya mw'emusini mwa Muluku ni khooniherya okhalana maneema ala mwa yoowo, Muluku okhanlyaawe woonaka ikuru, akhili, wiisumaaliha, ovilela, oreerelana murima w'axinna, ni othunku, mwa yoowo, vano Muluku onoomutthitta ekanyeryo, wala omukhalaha voopuroni. Nto, vo, owo p'ukathi muniwoonaanyu aana alopwana n'athiyana a Muluku.

169 Vano, aEfeso 4:30 anihimya wira, “Muhiriipihe murima Erooho Yoowaarya ya Muluku, yeeyo mutthittiwaanyu ekanyeryo mpakha Nihiku no woopoliwa wanyu.” Vano, akina a nyuwo aPatista muntthuna orowa ni nrromelo Ohinimala, vano, mwaphiya-ru nipuro nlo, miyo kinookhala ni nyuwo mwa nrromelo Ohinimala, mwaphiyerya-ru nipuro nenlo.

170 Masi ohimya paahi, khula mutthu ohimya, “Kihitakanxa mukereja Patista. Miyo ka muPrespiteriyaano. Kookhalana nrromelo Ohinimala.” Ti yoovonyeya. Makhalelo anyu annooniherya wira khamurina Eyo, mpakha Ela okhala vo.

171 Ni Muluku ohookhalihani mwaana ni ohoothittani ekanyeryo ni Erooho Yoowaarya Momweneni Mwawe, vano khiwaavo okhuma-mo. Nyuwo mwa oolipa Vohimala. Mwaamini. “Muhiriipihe murima Erooho Yoowaarya ya Muluku yeeyo nyuwo othene ni maneema anyu a nttittimiho mutthittiwaanyu ekanyeryo mpakha Nihiku no woopoliwa.”

172 Kookupali wira ookhala Mwaakameliwa otthommwe. Miyo kinnaamini wira Muluku ohimye wira Owo aamurowa okhalana “Ekereja ehirina nlepa nnakhala ninnyaari.” Miyo kinnaamini otthommwa, wira Mwaakameliwa t’otthommwa. Owo ohaana okhala Iwe. Kinroromela wira kiri ni Yoowo. Yeeyo, moone, miyo kiri ni Yoowo. Vano ti ya miyo olipiherya woopowa waka ni Muluku, mpakha itthu *iya* okupaliwa wa Muluku, vano nto otthittiwa ekanyeryo Momweneni mwa Muluku. Vo ti vari Erooho Yoowaarya. Vo ti vari miteko sooreera sa Muluku. “Yoothittiwa ekanyeryo mpakha Nihiku no woopoliwa.”

Eyo yaari yooloha awe. Miyo kaahoon wira yaari yooreera.

173 Vano, tivo, Owo aairaka siiso, Ekereja ele yaphiyerya nipuro nlo, wala mutthu, Ekereja enrowa okhala Iwe. Mukihiye kihimiyaxaxe eyo wira mwiiwe saana. Ekereja yoothommwa wira ekhale Iwe. Miyo kintthuna kikhale ni Yeeyo, masi enamuna emosa paahi onrowaaka okhala ni Yeeyo, okhala epante ya Yeeyo. Kinkhala sayi epante ya Yeeyo? Mwaha wo okhala mwa Yeeyo. Kinkela sayi mwa Yeeyo? Ni opatiiso, ni Erooho emosaru. Akorinto Oopacerya 12, “Mwa Erooho emosaru hiyo othene noopatisiwa mw’Erutthuni emosaru.” Erutthu emosa; noopatisiwa mwa Yeeyo.

174 Masi khimukhanle opharihelaka itthu iya sikhaani, wira, “Miyo koolavula ilavulelo. Kookhalana.” Nyuwo munookhuma va, ni ooviruwa, ni olaphela, ni wira itthu siiso. Munnona? Iwo onkhala omuhelela mapururu a mulalampi mwa—mwaapalame ooripelela. Munnona? Muhiireke yeeyo. Makhalelo anyu annooniherya wira kehiyo.

175 Masi okathi itthu iya sinvaraaya muteko mwa nyuwo, ni Muluku, vano mootthittiwa ekanyeryo. Nto khiivo ethepyelo wa yeeyo. Nyuwo mwa yeenyu paahi. Owo p’ukathi soowoona, miteko soolikana, sa Erooho Yoowaarya, ya Muluku, itthu

sothene, sinoonihereyaaya, okhala wira (mwaha wa xeeni?) nyuwo ni Kristu munkhala mmosaru. Kinroromela wira ti yoowiiweya saana. Nyuwo ni Kristu munkhala mmosaru.

¹⁷⁶ Kaahikhalana etthu ekina kaalempe aka va, kaatthunaaka wuupuwela. Enniruuha nipuro n'Ekumi. Vano munkhala... munkhalana Ekumi Ehinimala.

¹⁷⁷ Vano, miyo kookhalana tisiyonaariyu a Ekreku va, *Emphatic Diaglott*. Kiroosoma nihiku nlo nuulumo nimosa.

¹⁷⁸ Vano, mwa Yohani 14, ahiiso Yohani 3:16, ninniphwanya, nipuro nimosa nnihimya "okhalana Ekumi *ehinimala*." Nipuro nikina eyo enihimya wira, "okhalana Ekumi *Ehinimala*." Masi mw'Ekereku, mwa etaphulelo y'eKereku... eHeperi, enihimya, "Ekumi ehirina emalelo." Mwa nuulumo na Ekreku, ookhalana a-i-n-i-o-a-n.

¹⁷⁹ Yookhala ntoko "aeon." Aeon "okathi" ohinweryaneya okhala, nlo nummeru nihinweryaneya waalikeliwa. Ti woovikana imilyawu, itrilyawu, ipilyawu.

¹⁸⁰ Masi ela ti *aionion* ya okathi, Ekumi Ehinimala. Nto nuulumo n'Enkelesi ya yeeyo ti Ehinimala. Hiyo ninsuwela eyo ntoko Ehinimala, *aionion*, wala "Ekumi ehirina emalelo." Munnona? Nto nyuwo mwakhalana Ekumi ehirina emalelo, vanweryaneya sayi opweteya? Nyuwo munikhala epantte ya Ehinimala. Nto eri etthu emosa paahi Ehinimala.

¹⁸¹ Satana kahiyoo Ohimala. Nnari. Owo—owo orookhala Satana. Omooroni kuhiyo Ohinimala. Omooroni oroopattuxiwa. Kahi Woohimala. Nto irutthu iya khasihiyo Soohimala. Iyo siroopattuxiwa.

¹⁸² Masi Erooho ya Muluku ti Yoohimala. Khenakhalaneke epacerelo, wala Eyo khenkhalana emalelo. Nto enamuna emosa paahi nikhanlyaahu okhalanaka Ekumi Ehinimala, mwa nuulumo nlo n'eKereku, *Zoe*, nenlo nnihimya, "Ekumi ya Muluku mwaneene," hiyo nookhalana, hiyo ninkhala epantte ya Muluku okathi onkhalaahu aana alopwana n'athiyana a Muluku, ni okhalana Ekumi *aionion*. Tivo mpantte onkhala mukumi, hiyo, onsuwela Masu ala, okhuma *va* mpakha *wu*, ensuwelaaya, ti Ekumi *ainion*, "Ekumi ehirina emalelo." Ti Ekumi ya Muluku Mwaneene mwa hiyo. Amen. Whish!

¹⁸³ Nihiku nlo, mmukwahani, miyo kaahivaanyihana, Namoonaa a Yehova. Vano, kahi ohittittimiha waamini wa mutthu ti mutthu. Nookhalana anci-ene w'awo oorukunxa murima akilaanthe va, a Anamoonaa a Yehova. Mmosa wa maatiministratoore ahu a ekereja aari Namoonaa a Yehova, *aari*, nto khoopowa, owo ni amusi awe. Atithi awe yaari namasoma; Munna Wood n'akina. Axinn'awe othene alopwana n'athiyana vano, ntoko othene aya ahoorwa, khwaakhela Erooho Yoowaarya, mwaha wa soowoona sa Muluku waaleela etthu siiralyaaya. Ni etthu awo... Munnona? Eyo yaahiphiyerya.

¹⁸⁴ Vano, masi va, Anamoona a Yehova muliivuruni mwaya, enihimya wira ephumu nyuwo mummumulaanyu t'okhanle munepa. Vano, eyo khekhanle olikanaka. Ephumu emmumulaanyu kuhiyo munepa. Vakhala siiso, nyuwo mwa—nyuwo mwa okathi mmosa mwa muthinto mmosa wa munepa, okathi mukina nyuwo mwa mutthu mukina, omumunle munepa owo. Nkoonani waarowaanyu okhala-vo. Vano, ephumu ettheke, ni ettheke t'ile mummumulaanyu mphulani mwanyu.

¹⁸⁵ Vano, awo ankuxa Yoolepwa ya wu, “Muluku aahiiseela Ephumu mphulani mwawe, vano owo khukhala munepa mukumi.” Vano, kintthuna kookoheni etthu emosa. Vakhala wira owo aari mutthu, ephumu xeeni owo aamumulaawe Muluku ahinatthi wiiseela Ephumu Awe ya Ekumi mwa yoowo? Munnona? Muthinto xeeni wa ephumu? Owo aari mutthu mukumi, aamumula. Ahe, nto, vakhala siiso, weeso khula mwaamunama munepa mukumi, okhala wira awo amumula munepa wa mutthu, ni munepa ahu, ni othene vamosa. Vano Yesu khaarina wira okhwiye-ene. Mukuttho wa mwaamunama waamuphiyerya. Munnona? Tivo, munna, yoohimya eyo khenifayi.

¹⁸⁶ Masi etthu Muluku aairaly'awe, Owo aaiseelenle Ephumu y'Ekumi Ehinimwa, amen, vano owo khukhala munepa mukumi, munepa ohinkhala. Vano nwehe vano. Ninrowa okela mooravoni, mpakha mukwakwinoni. Nwehe. “Aaiseelenle Ephumu ya Ekumi Ehinimala mphulami mwawe, nto owo khukhala munepa Ohinimala.” Okhala wira, Muluku aarimwiiseela, kahi ele ephattu yiiraly'aya, masi ele Muluku iiraly'awe, aaiseelenle Ephumu ya Ekumi mphulani mw'awe, nto owo khukhala munepa mukumi.

Vano munookiirela, “Atamu aahikhwa, Munna Branham.”

¹⁸⁷ Masi muupuwele, Atamu ohinatthi okhwa, owo aahikhalana mwaapwittipwitthi aanvulunxe. Aleluya! “Ale Owo aasuwenly'awe khalayi ene, Owo oowiihana.” Owo aamukunxe mwaapwittipwitthi wira aavuluxe. Owo aari ethoonyeryo. Atamu aahimora. Vano mwaapwittipwitthi aahivaheriwa Atamu, okhala wira mphulani mwawe aahikhala Ephumu ya Muluku Ohinimala, vano owo khukhala munepa mukumi. Owo aari mwaana a Muluku.

¹⁸⁸ Kahi ephumu awe, ntoko nuulumo na wAfrika. Nkisuwenle nuulumo n'Ekereku na yeeyo, naanaano va. Masi nuulumo na wAfrika, awo aniihana *amoyah*, nenlo nnihimya, “ettheke; ikuru sihinooneya.” Inama simmumula amoyah. Anatampi amumula amoyah.

¹⁸⁹ Vano xeeni naarowaahu okattyamiheyaka ni Ekumi Ehinimala, vakhala wira ti munepa Ohinimala wiiseeleliwe mwa hiyo ni ephumu? Naarowa okattyamiheyaka sayi ni Ekumi

Ehinimala? Eyo enimwiipathela, munna. Munnona? Eyo—eyo—eyo khenwerya wira.

¹⁹⁰ Masi, Muluku, vanci-enexa mwa Atamu, aahiiseelela Ephumu ya Ekumi Ehinimala, vano owo khukhala mutthu Ohinimala ni Muluku. Owo aahikhalana owerya ntoko Muluku. Owo aari muluku oosuwela vakhani. Owo aari muluku a vathi; kahi Muluku a Wirimu, vano. Muluku a elapo ya vathi!

¹⁹¹ Nto nihiku nlo aana a Muluku anootthikela-tho okhala amuluku. Yesu ohimnye siiso. “Khelempwe eyo mwa ikano sanyu, ‘Nyuwo mwa amuluku?’ Vano mwaaweryaka owiihana ale Owo owiihanne awe amuluku, yaawo Muluku aathotonlyaawe, munwerya sayi okilamula Miyo, ohimya, kaahimya wira Miyo ka Mwaana a Muluku?” Munnona? Vano ninkela mwa etthu yoowiixerya. Vano nwehe ela nooniheryaka mwaha ene.

¹⁹² Vano, ala ari va. Owo vano mwaana a Muluku, masi owo onnivonya. Owo onnisuwela wira onniira soonanara. Vano muupuwele, Atamu khootohiwe. Bibilia ohimnye siiso. Timoteyo Oopacerya 3. “Atamu khootohiwe, masi muthiyana t’otohiwe, khumorela moothekani.” Atamu eetta ni Hawa, okhala wira aari mwaar’awe.

¹⁹³ Siiso ntoko Kristu, ohootohiwe ni Satana, masi khukela mookhwani ni Mwaakameliwa. Owo aaronwe okhala ni Mwaakameliwa, wira Owo awerye ovuluxa Ekereja.

¹⁹⁴ Atamu aahisuwela wira aahivonya, siiso owo aaheetta ni Hawa tu. Munnona? Masi aahikhala mwaapwittipwitthi yaavaherasiwaaya, wira avuluxiwe.

¹⁹⁵ Nto amwaapwittipwitthi ala, olelo, yaahisuweliwa khalayi-ene ni Muluku, ni Muluku oowiihana, ookhala Nvuluxa. “Khaavo onwerya orwa wa Miyo ehikhanle wira Atithi Aka anoomuruuha. Ni othene ale Atithi akivahaly’aya animoorwa wa Miyo.” Eyo ekeekhaii? Tivo ookhala Mwaapwittipwitthi ovaheriwe, okhuma opattuxiwakaru olumwenku, vaavo masin’aya aheliwaaya muLiivuruni mw’Ekumi ya Mwaapwittipwitthi. Mwaapwittipwitthi aahivaheriwa, wira atthukule ephiro ya mahala wira khula mmosa a awo arowe mohihimuwani, Mwaapwittipwitthi oovaheriwa; Mwaapwittipwitthi a Atamu, vano nwehe, ntoko Atamu aarina mwaapwittipwitthi oovaheriwa.

¹⁹⁶ Vano, eyo ti Ekereja olelo. Miyo nkinihimya e—ekereja. Nyuwo moosuwela?

¹⁹⁷ Miyo nkinihimya ela wira kikhale namaveeha, ni miyo nkinthuna wira esikulihe moonelo wa mutthu. Miyo nkiri va wira kiire yeeyo, okhala wira koolakiherya eyo. Miyo kiri va wira kikhaliherye, masi etthu emphavelaaka wira . . .

¹⁹⁸ Moosuwela? Vekeekhai, ikereja iya khasihiyo ikereja. Eri Ekereja emosa paahi. Iya ipa sa oxirikha. Munnona? Iyo

ipa sa oxirikha. Miyo nkirina hat'etthu...Vaareera. Masi miyo—miyo kintthuna kiwooniheryeni yeeyo nyuwo, muhina mwa minuutu vakhani, wira iyo ipa sa oxirikha paahi. Nyuwo muniira mpannta wa empa ya oxirikha Metotista, empa ya oxirikha Prespiteriyaano, wala empa ya oxirikha Pentekosite, vanaasiwa yeeyo. Ayo, um-hum. Ipa sa oxirikha! Munnona? Khivanweryaneya...Munnona? Ikereja vekeekhai ipa sa oxirikha weiwo atthu ni muupuwelo mmosaru aneettaaya hoothe.

¹⁹⁹ Masi Ekereja eri Emosa. Ni khimukhanle wiitakanihaka ni Ekereja. Nyuwo muniyariwa Mwemmo. Nto okathi muniyariwaanyu Mwemmo, nyuwo mwa mempuru a Yeeyo.

²⁰⁰ Siiso ntoko emusi aka. Miyo kinikhala mw'emusi Branham mwa miyaakha miloko mithanu ni miraru. Awo khanakivekeleke wira kiitakanihe emusi iyo. Mwaha wa xeeni? Miyo nkirina yo wiitakaniha mw'emusini mmo. Miyo kiyariwe Branham.

²⁰¹ Ni nyuwo muniyariwa Mukereja. Vano, iya ikina ipa sa oxirikha. Mwaahitoko wuupuwela yeeyo? Ayo, mulopwana.

²⁰² Nihiku nimosa kaathikila malaxi, ni kaamuupuwela, ahe, "Ekereja Katolika yuulupale yoowaarya," awo aniihana siiso. Kaarowa siiso, kithikilaka.

²⁰³ Nto Etthu emosa khukeemexa, voomaaleleya, khwira, "Muhiitthane Yeeyo." Miyo kiwehaweha. Kitthikela kithikilaka. Eyo khukeemexa-tho, khwira, "Muhiitthaneke iyo Yeeyo." Khwira, "Awo empa ya oxirikha, ntoko sikina. Awo kahiyo Ekereja. Eri Ekereja emosa." Munnona? Awo mamempuru a empa ya oxirikha, okhala wira nyuwo pooti wiitakaniha empa ya oxirikha. Masi khimukhanle wiitakanihaka ni Ekereja. Ekereja, nyuwo muniyariwa Mwemmo. Nyuwo munikhala mempuru a Yeeyo mwaha wo Oyariwa vasya, vano mempuru a mw'Emuusini, munna mulopwana wala muthiyana Mwemmo.

²⁰⁴ Vano mukihye koosomeleni paahi mu *Emphatic Diaglott* va, etthu emosa, ya Wiisuupulula 17:3, ni Wiisuupulula a *Emphatic Diaglott* va. Nto nwehe ela paahi, moota ensommwaaya, ni moota—moota enlikaniheyaaya vooreera-vo ni yeeyo. Wiisuupulula 16, 17. Vaareera. Vano nrowe nisome va okathi vakhani paahi. Nwiriyanne ela, oratteenexa, Wiisuupulula 17:3.

Nto nimosa wa Malaikha YAALE MATHANU NA MAILI
yaarino...mihasa MITHANU NI MIILI naahirwa khulavula
ni miyo,...

²⁰⁵ Kinoosomelani nyuwo, *Muleeksikuni*. "Naarino..."

... "Murwe, kiwooniheni OHUKHUMMWA wa MUTHIYANA
YOOLE NAMARARUWA MUULUPALE, okilaanthe vasulu va
Maasi Manciene;

206 Ni hiyo othene noosuwela wira owo ti Vatikano. Va nookhalana *Muletto Ahu a Ttiminku* vo, a ekereja Katolika, onnileela oratteene etthu ekhanly'aya. Munnona?

207 Nto waakhula nno wa yeeyo, ehimye wira, “Masi mulipelele vo.” Khwira, “Annikhalaka inamuna sothene sa masina,” khwira, “yaarowa okhaliha imiya thanu na mosa ni miloko mithanu na mosa ni thanu na mosa.”

Miyo khwira, “Masi mulipelele vo.”

Khwira, “Nsina nanyu pooti okhala imiya thanu na mosa . . .”

208 “Masi,” miyo khwira, “Miyo nkikilaanthe vasulu va miyaako mithanu na miili, kirumaka olumwenku, nnakhala, moone.” Uh-huh! Munnona? Eyo ekeekhaii. Munnona?

209 [Munna Branham onsoma Wiisuupulula 17:1 mu *Emphatic Diaglott—Mol.*]

. . .kiwooniheni *OHUKHUMMWA wa MUTHIYANA MUULUPALE NAMARARUWA*, okilaanthe vasulu va *Maasi Mancie-ene*;

210 *Maasi*, Wiisuupulula 17:15, ti “eyaattelo ni mittitthi s’atthu.” Munnona?

yoowo yaararuwano-aya *MAMWENE a MULAPONI, ni ATTHU a MULAPONI yaahapaliwaaya ni EVIINYU ya . . .ORARUWA wawe.*

211 Vano exeeni?

Nuumala naahikeettiherya, Muroohoni, nikiroiha Mothakoni; . . .

212 *Emphatic Diaglott* vano. Munnona?

. . .nto kaahimoonu *Muthiyana aakilaanthe* vasulu va *Nxeni nooxeerya, oosareya Masina Ooveeha, . . .*

213 Vano, mwa King James, oniira, “oosareya masina a oveeha.” Okathi vakhani paahi, kinoophwanya va, okathi vakhani paahi. Wiisuupulula, 3. Vaareera, ela eri va. Vaareera. Wiisuupulula, kinihimya 17, kahi 7; 17, vano nwiriyane eversiikulu 3.

Nuumala naahikikuxa muroohoni nikiroiha mothakoni: nto kaahimoonu muthiyana aakilaanthe vasulu va nxeni nooxeerya, oosareya masina a oveeha, . . .

214 Ti siiso Enkelesi ehenlyaaya. Masi Ekreku y’ekeekhai ya *Diaglott* enihimya sa, mwa Wiisuupulula 17:3. Nwiriyane.

Ni naahikeettiherya, Muroohoni, nikiroiha Mothakoni; nto kaahimoonu Muthiyana aakilaanthe vasulu va Nxeni nooxeerya—Nxeni, oosareya Masina Ooveeha, . . .

215 Eyo ti yoovirikana vanci-ene, ni “masina a oveeha” wa “masina ooveeha.” Exeeni iyo? Nto hiyo . . . Vano, owo aari:

. . . MAI A ANAMARARUWA . . .

216 Hiyo othene noosuwela eyo. Masi exeeni iyo? [Munna mmosa oniira, “Ekereja Katolika y’oRooma.”—Mol.] Khivantthuneya nyuwo okhala. . . Ahe, eyo ekeekhahi, eyo yaamukuxa ekereja Katolika y’oRooma. Masi eyo ti “yoosareya masina ooveeha,” Metotista, Patista, Prespiteriyaano, Luteraano, sothene siniisihana, “ikereja sa Muluku.” Masina Ooveeha! Ovirikana vanci-ene wa “masina a ooveeha” ni “masina ooveeha.” Siniisihana, “Ekereja ya Muluku,” ni yiithooneryaka ohoolo wa olumwenku; ni meera a iturufu, ni owurya, ni yiiraka itthu voohiloka, ni oliyiwa wa asoopa, ni itthu sothene sikina, ni inamuna sothene sa itthu siniireya.

217 Eri Ekereja emosa paahi. Nyuwo muniyariwa Mwemmo. Nyuwo khamunkela Mmo mpakha murapihiwe Mphomeni mwa Mwaapwittipwitthi ni otthittiwa ekanyeryo ni Erooho Yoowaarya.

218 Evirikanelo xeeni ya “masina a oveeha” ni “masina ooveeha.” Munniiwa? [Muthukumano oniira, “Amen.”—Mol.]

219 Miyo kivanre voosiisu yoola okathi waasomaaka va, e. . . Kikhuruwelaka, Ethhu emosa khukiirela, “Nvolowe okatthi wanyu. Mukuxe *eDiaglott.*”

220 Ahe, iwo wiiwelela paahi. Ti yeeyo tu. Khuvolowa. Nto kithanla Wiisuupulula 17. Miyo khuupuwela, “Xeeni Nyuwo otthunaka wira kisome yeela?” Kipacerya osoma. [Munna Branham onrumiha ikatha sawe—Mol.] Kipaceryaka-ru, “Eyo eri vo.” Kikuxa elaapi kilepa. Miyo khwira, “Eyo eri vo.”

221 Vano, atthu anookhupanya miyo opwapwelaka mitthenkeso. Masina yaawo ooveeha, aniisihana mmansaya, “ikereja sa Muluku, ni ikereja sa Kristu, ni ikereja sa Metotista, ni ikereja.” Iyo ipa sa oxirikha, kahi ikereja.

222 Ekereja emosa, eyo ti Ekereja ya Pwiya Yesu Kristu. Nto Exeeni Iyo? Erutthu ya siiri ya Yesu Kristu evaraka muteko elapo ya vathi, yoopakiwa ni mempuru a khula mmosa wa mithukumano iya, aarowa okhala mempuru a Erutthu ya Kristu. Muhaana oyariwa Mwemmo, kahi wiitakanxa—Mo.

223 Ni wiitakaniha mwemmo, ti masina ooveeha, muthiyan’ola. Muthiyan’ola, owerya wawe!

224 Ni vannooneya naanaano va wira anoorowa ovariwa atthu othene arina miyuupuwelo sootikiniha sa etiini, wira aroihiwe waAlaska. Nyuwo muhoona eyo. Iyaaminelo sahu sothene sootikiniha.

225 Nto exeeni iyo? Mwaataano, Mwaataano wa Ikereja sa Mulaponi mothene ni aKatolika aakhalana eyeeteetelo aya yuulupale eniiraneya oVatikano vano, weiwe, weiwo awo aneereryaaya. Ni mapixipu ala othene, ni sikina, awo amphavela

ophiyerya wiiwanana, wira ewanane komunismu. Olumwenku owananaka komunismu, ni otakanxanaka paahi ni Ekatoika.

226 Ti siiso ntoko siry'aya olelo. Hiyo nri va, ntoko sihimalyaaka. Hiyo nnoorowa...Hiyo nihanle omaleliwa. Ninookopha, nirumeelaka musurukhu vano, mwa mipoosito sinrowa olinvwa miyaakha muloko ni mixexe okhuma olelo. Noothoiwa mpakha enamuna yeeyo. T'ani orina musurukhu wa molumwenkuni? Ekereja Katolika. Waarowa okophihiwa sayi Estadu Unidu? Wira sitthikeliwe ikupaniya iya sa soona ni wiskhi ni itthu. Khweeli, awo anrowa waakophela yaawo. Awo yaira vale, awo ovenya wene, antumiherya ihaakhi saya s'eyuulupale, ekelaka ekereja Katolika y'oRooma. Hiyo ninnilipiha. Nwehe ela, vowooneyaxa paahi, vowooneyaxa ovikana osoma epaphelo ya ihapari. Ela eri va. Munnona?

227 Awo aMetotista, aPatista, maPrespiteriyano, ni sikina, aniisiihana, "Ekereja ya Muluku." Katolika ni inamuna sothene iyo sa itthu ti owerya nno woosareya masina ooveeha. Yiisiihanaka, "Miyo ka..." Miyo khwira...

228 Kaahirowa oxipiritali nno, woohikhala khalayi, kaarowa onvekelela mutthu. Miyo khwira, "Ninrowa o..." Yaari ame aka. Miyo khwira, "Ninrowa okhalana waavekelela amaama."

Nto muhan'owo khwira, "Mpurule ekurttiina eyo."

Miyo khwira, "Nyuwo khamuhiyo muKristu?"

Owo khwira, "Hiyo n'aMetotista."

229 Miyo khwira, "Kooxukhuru. Miyo koono wira khino mwaari mulipa-oowaamini." Miyo kiipurulela paahi ekurttiina. Munnona? Tivo, mwaahikhale muKristu, eyo ti yoovirikana. Munnona?

230 Masi, "Hiyo n'aMetotista," iwo oveeha. Nxeeni, ikereja, sinihaniwa ikereja, iyo khasihiyo ikereja. Mukihiye kikupali wira yookaravariwa. Ayo. Iyo khasihiyo ikereja. Iyo ipa sa oxirikha. Athu aniitakanxa mwemmo.

231 Masi khivanweryaneya wiitakaniha ni Ekereja ya Muluku mukumi. Nyuwo muniyariwa Mwemmo, ni opatiiso wa Erooho Yoowaarya. Nto vampatisiwaanyu ni Erooho Yoowaarya, maneema ala anoolipiheriwa mwa nyuwo, ni Erooho Yoowaarya, nto tivo, "Ole oniyariwa ni Muluku khaniira etampi." "Khivanweryaneya." Eyo eri vo. Oh, wulu!

Naamuwerya olavula nihiku nothene, khinaawerya?

232 Ekereja ti Erutthu ya siiri ya Kristu, yooyariwa ni Ephumu ya Muluku. Oooh! Muhiiwa saana? [Muthukumano oniira, "Amen."—Mol.] Ekereja ya Muluku eniyariwa ni Ephumu ya Muluku. Muluku aaiseelale Ephumu mphulani, mwa erooho, wa Atamu, nto owo khukhala munepa mukumi. Mwaahisuwela wira apentekosite, wala Ekereja y'ekeekhai ya pentekosite, eniyariwa mwa Ephumu ya Muluku?

233 Mukihiye koosomeleni etthu emosa, minuutu mmosa paahi ya yeeyo. Mukihiye koone, minuutu mmosa paahi. Yohani Oowaarya, kookupali, vaavo vanrowaaka-vo. Ninoophwanya khama Ekereja ya Muluku enniyariwa, wala nnari. Yohani Oowaarya, nrowe noone, kookupali wira eri ntoko 16, 19; 20. Vaareera. Va kookupali wira ninookhalana, vaava va. Vaareera. Mukihiye koosomeleni, noone khama Ekereja eniyariwa ni Ephumu ya Muluku, wala nnari, ntoko Atamu saaryaawe woopaceryani. Nwehe.

Nto nihiku nlo makaaripi, nihiku noopacerya na esumana, mikhora siwaliwe ni awiixutti yaahithukumana mwaha wo owoova aYuta, Yesu aahirwa khweemela eriyari aya, khwaahimeerya wira, Murettele okhale ni nyuwo.

Nto ahimyaka siiso, owo ahiwooniherya...matata awe ni mpararini mwawe. Vaavo...Nto awiixutti yaahitteeliwa murima, ewoonaka Apwiya. Nto Yesu...

Vano nto Yesu aahaahimeerya-tho wira, Murettele okhale ni nyuwo: ntoko Atithi aka vakirummyaya, ... ni Miyo kinnoorumani nyuwo.

234 Nwehe. Atithi yaamurumme yaaronwe mwa Yoowo. Nto Yesu, Owo aamurumaka mwiixutti, Owo onrowa mwa yoowo. Yoowo omurumme; Muluku.

Nto ahimyakaru siiso, aahiwiiseela, khuhimya wira...Mwaakhele Erooho Yoowaarya:

235 Ekereja, yooyariwa ni Ephumu ya Muluku! Okathi mukhalelo ola onipakeyaaya wu, voolikana, Ephumu ya Muluku enoowiiselela, “Mwaakhele Erooho Yoowaarya,” vano nyuwo mwa mwaana a Muluku. Munooowerya wiitakaniha etthu p’itthu entthunaanyu, masi nyuwo muniyariwa Mukereja mwa Muluku mukumi, ooyariwa mwa Ephumu ya Muluku. Muluku aahiwiiselela, khwira, “Mwaakhele,” wish, “Erooho Yoowaarya.” Oh, wulu! Eyo vo.

236 Kahi, “Murwe mwiitakaihe, muhele nsina nanyu vaavo.” Ni soolya sanyu sa asoopa ni sothene sinrowa ni yeeyo, muniitakaiha empa ya oxirikha. Nyuwo pooti wiitakaniha ni empa ya oxirikha Metotista, empa ya oxirikha Patista, empa ya oxirikha Pespiteriyaano, empa ya oxirikha Katolika, wala empa ya oxirikha Pentekosite, etthu p’itthu entthun’anyu wiitakaniha, masi nyuwo muniitakaniha ni empa ya oxirikha.

237 Masi vankhalaanyu mwaana a Muluku, muniyariwa ni Ephumu ya Muluku. Amen. Vanreerela muhiye, vaavo naanaano va. Vaareera.

238 Ekumi ya Muluku nto nave-tho eri mwa nyuwo, Yesu oohimya. Minuutu mmosa paahi. Yesu iirale, “Miyo ka Mwiri. Nyuwo mwa erintta.”

239 Vano nkawehani. Exeeni waari onyakulihana waya ni Yesu? Onyakulihana waya ni Yesu, okhala wira Owo aari Mutthu aikhalihaka Muluku. Owo aari Muluku. Muluku aari mwa Kristu. Munnona? Ni Owo aahaaleela. Owo irale, “Ni muhikiweheke Miyo. Nkihiyo Miyo. t’Atithi Aka, ni Awo ankhala mwa Miyo.” Oh! Munnona?

240 Vano, awo yaaweha erutthu ile ekhaani yaayariwe ni Maria. Munnona? Ole khaari Muluku. Ole aari Mwaana a Muluku, masi Muluku aari mw’Erutthuni mmwe. Aari Muluku. Owo khwira, “Kaahivareke miteko s’Atithi Aka, weeso mukilamuleke. Masi taani wa nyuwo onwerya okihimyana Miyo etampi, ohaamini Masu? Masu xeeni Muluku olavunlyaawe ahimaliheriwe mwa Miyo?” Etampi ohaamini. “Taani a nyuwo onikihimyana Miyo etampi?” Etampi ohaamini. “Mukoonihe. Kaahivareke miteko s’Atithi Aka, weeso muhikaaminiki. Masi kaavaraka miteko sa Awaka . . . Munaamwi muhiweryaka okaamini Miyo, mwaamini miteko Miyo sinvaraaka, maana iyo sinnikhalela onamoona.” Mwa enamuna ekina, “Atithi ari mwa Miyo, yiikhalelaka onamoona Mmansaya.” Okhala wira, “Muluku aari mwa Kristu, aataanihaka olumwenku ni Yoowo.” Munniiwa? [Muthukumano oniira, “Amen.”—Mol.]

241 Ahe, vano, Ekumi emosaru yeeyo eri Mmwirini nave-tho eri murinttani. Munrowa wiitakanxa sayi Mwemmo? Khivanweryaneya.

242 Miyo kaahoonaa mwiri woohikhala khalayi, vaniyateni va Munna Sharrit w’Arizona, waarina mihokorokho mithanu na xexe sitirinu soovirikana mwemmo. Yaari exeeni? Waari mu—waari murarance, murarance wa mutekhu. Masi waahikhalana mu—waahikhalana mu—mulimu, transeliina, tanxelo, ni toranxa. Waahikhalana mithinto sothene. Miyo khweemela, khuweha mwiri ule. Nto miyo khwira, “Munna Sharrit, muntthuna okileela wira mwiri ule murarance?”

Owo khwira, “Vekeekhai.”

243 Nto miyo khwira, “Ahe, sayi? Sayi siiso?” Miyo khwira, “Kinnimoona toranxa *va*, ni transeliina *va*, tanxelo *va*, ni limawu *va*, ni mihokorokho iya sothene sikina. Iyo sinrwa sayi?”

Owo khwira, “Ahe, moone, iyo siroottopanyeriwa-mo.”

244 “Oh!” Miyo khwira, “Ahe, kintthuna kookoheni etthu emosa. Vano, munnimuttotta toranxa ola ni limawu. Vano, mwaahiyu, oniira exeeni? Onimwiima erarance vaavo.”

“Oh, nnari.” Khwira, “Onrowa wiima limawu. Munnona?”

“Oh,” miyo khwira, “kooxukhuru.” Munnona?

Khivanweryaneya wira eyo. Khivanweryaneya wiitakaniha.

245 “Masi,” owo khwira, “khula okathi mwiri ule oninnuwaaya eyaakha emosa khuphuwa erintta esya, eniima irarance, mwiri ene yoowo waphuwa-ru erintta.”

²⁴⁶ Nto etthu hiyo emphavelaahu wira okhala mamempuru ootakanxiwa mwa Yoowo, ni hiyo ninkhala vathi va nsina na oKristu. Okhala wira, hiyo na yaawo, mwa enamuna yoolimaleleya y'ohimya hiyo na muhokorokho sitriinu, Ekereja y'eKristu.

²⁴⁷ Masi okathi Mwiri Ene yoowo omphuwaaya erintta, enrowa okhala ntoko Mwiri woopacerya Owo waaphunwaaya. Vakhala wira Erintta yoopacerya Owo waaphunwaaya, awo yaahilepa Eliivuru ya Miteko ottuli Waya; Owo waphiyerya-ru ophuwa ekina, Eyo enoolepa eliivuru ya miteko ottuli Waya. Ekeekhai.

²⁴⁸ Tivo, nyuwo muniitakanxa ni ipa sa oxirikha. Masi mwayariwa-ru Vamwirini vaavo...Munikhhalana muhokorokho. Ti yeeyo. Munikhhalana muhokorokho, masi muniiriha exeeni yoowo? “Nyuwo munoooneya ntoko a othunku, nave munnikhootta owerya waya.” Munnikhootta ithoonyeryo. Munnikhootta mitikiniho. Munnikhootta Erooho Yoowaarya. Munnikhootta olavula ilavulelo. Munnikhootta soowoona. Munnikhootta olaleeriwa s'eprofeta. Munnikhootta ovonihwi. Ni, nnakhala vo, “Munniisihana nsina.” Khivanxankiha Erooho Yoowaarya ehimmyaaya wira, “Owerya, wa makhuru a athu, oosareya masina ooveeha, vekeekhai, aniisihana mmansaya, ‘aKristu.” “Yooneyeka ntoko oothunku, masi ekhoottaka owerya waya nave. Awo muheettaneke, maana ala ti yaawo anaakuxa athiyana ookhweya murima aneettihiwa ni soowunlela sa khula enamuna.”

²⁴⁹ Inamuna sothene sa mutthenkeso! Ekereja enkuxa muritti muulupalexu ni muthinto *ola* wa opatthani, ni muthinto *ole* wa opatthani. Ankihi muxovo wa Yesu Kristu? Munnona? Hiyo nookhalana itthu iya sothene sikina, ni ninoolemeliha ekereja ene. Vano eyo vo.

Nyuwo khimukhanle wiitakanihaka Ekereja.

²⁵⁰ Nyuwo muniitakanxa ni empa ya oxirikha. Nyuwo mwa mempuru a empa ya oxirikha, a nikhuru n'athu, siiso ntoko empa ya oxirikha ery'aya. “Hiyo ninnaamini *ela*. Hiyo nookhalana sooruma sahu. Hiyo nookhalana isiiri sahu, ni sikina.” Nyuwo muniira etthu emosaru, muniitakanihaka ekereja paahi eniitthaniwa siiso.

²⁵¹ Masi khivanweryaneyaka wiitakanihaka Ekereja. Nyuwo mwiitakanihale empa ya oxirikha ya mamempuru, masi kahi Ekereja, okhala wira mutthu onooyariwa Mukereja mmo ni Mwiri Ene yoowo.

²⁵² Vano nwehererye minuutu mmosa. Nwehe. Kinoomaliha, nuuvira okathi vakhani. Nwehe. Kileveleliwe. Miyo—miyo nkilakenle ohimya yeeyo. Nwehe. Nkawahani.

²⁵³ Muluku aamutakanxaka Mwaakameliwa ola vamosa ni Erooho eyo, vano Eyo ennimutakanxa mutthu owo vamosa ni Erooho eyo, moone, vano nyuwo muniyariwa Momweneni

mwemmo. Vano nto Ekumi ene yeeyo yaari Mukereja *mu*, eri Mukereja *mmwe*, ni *Ele, Ele, Ele, Ele*. Ni Ekumi ene yeeyo yaari munikatampheni, Mwiri, Yesu, eri mwa mempuru Owo omukumihenryaawe. Ovuwa! “Ni itthu imosaru Miyo kinvaraaka, miteko Miyo kinvaraaka, nave-tho nyuwo munoovara.” Owo ti mempuru eekeekhai a Erutthu ya Kristu, khuwaavo muthinto wa nsina noophariheliwa Vaavo. Miteko sene seiyo sa mutthu owo sinnooniherya otthu onikhumaawe. Makhalelo awe annikhala xaahiti wa etthu eryaawe.

²⁵⁴ “Nyuwo mwa mempuru xeeni? Erutthu xeeni muniiraanyu mpantta?” Erutthu ya Kristu. “Ahe, mwiitakanxale vayi ni Yeeyo?” Miyo nkiitakanxale. Kiyariwe Mwemmo. Munnona? Miyo kiyariwe Mwemmo.

²⁵⁵ Khivanthuneya nyuwo waaleela. Awo annisuwela etthu ekhumelenle. “Nyuwo, vanweryaneya sayi opattiha examaniya khuheleliwa mweeryo vasulu vaya?” Owo oohimya. Munnona? Nnari, nnari.

²⁵⁶ Okathi muniyariwaanyu Momweneni mmo mwa Muluku, vano Ekumi, Ekumi yeeyo yaari mwa Yesu. Vano munooaliwa ni minepa. Vano khamurina waavara metto atthu, orwa waltaari. Khamurina onvaraka metto mutthu, arwe aphaveleke n’ale ari waltaari. Ayo. I—i—i—itthu sinookhwalala paahi mmansaya, okhala wira yoothhitiwa ekanyeryo mwa nyuwo. Nyuwo mwa omosa wa Muluku. Mootthitiwa ekanyeryo ni Erooho Yoowaarya.

Vano munnisuwela etthu “Erooho Yoowaarya” enihimy’aya?

²⁵⁷ Eyo khenihimya wira, “Miyo kootupha n’unyakula. Kaahikhalana moonelo wootikiniha.” Iyo siri saana. Miyo kootupha ni kookhuwela, ni kaahikhalana moonelo wootikiniha. “Miyo koolavula ilavulelo.” Miyo kinnaamini wira Erooho Yoowaarya ennilavula ilavulelo. Vekeekhai. “Miyo kootaphulela.” Ayo, mulopwana. Miyo kinnaamini yeeyo, nave. Masi kahi Yeeyo. Kahi yeeyo enihimy’aka. Siiso ekhanle-ene evuvelo osulu nno nipuro nlo. Siiso ekhanle-ene evuvelo *va*, moovilelani mwanyu.

²⁵⁸ Mmuhiye mutthu oomaneni epante emosa, wiitho, munoomurukunxela ekina? Masi nyuwo muniira, “Namirima miili ule ootakhala!” Vano yookhala evuvelo, nipuro nlo, ekhumenle. Vanreerela nihikwanye eyo. Vaareera. Masi moosuwela enihimy’aka.

²⁵⁹ Masi okathi munthittiw’anyu ekanyeryo mw’Erutthuni ya Kristu, vano munikhala oosareya Erooho, ni mwa mwaana a Muluku.

²⁶⁰ Oh, kaanithuna kikhalanne minuutu soophiyaka muloko paahi, wira kisome etthu va. [Muthukumano oniira, “Mukeleleke ohoolo. Musomeke, munna.”—Mol.] Masi mwaanvilela ni miyo minuutu muloko sikina? [“Ayo.”] Kintthuna kisome etthu,

vakhani paahi. Vano, vaxariya-vo, ikhutte khasinrowa ovyā. Miyo kinimoolipiheryani paahi, moone, nasoma-ru ela vakhani paahi. Ti yooreera saana woohiyaka ovira. Kirina itthu piili va paahi, sinoorwa mmuruni mwaka paahi, kaatthunaaka wira kihimye.

²⁶¹ Nrowe nimukhunle Yohani Oowaarya, kapiitulu 3, olavulaka mwaha w'Ekumi Ehinimala. Ninrowa oweha paahi etthu Eyo enihimyaaya va wa mwaha ola wa Ekumi Ehinimala, Ekumi ya Muluku. Vano, vano nwehe va.

Aahikhala mulopwana mmosa a aFarisi, iihaniwa Nikotemu, mukhulupale a aYuta:

Yoowo aahirowa nave okumana ni Yesu ohiyu, khumuhimeerya wira, Rabbi, hiyo noosuwela wira nyuwo mwa mwiixuttihi mukhumme wa Muluku: . . . khaavo onwerya opaka miiriiryā iya . . . Muluku ahikhanle ni yoowo.

²⁶² Vano, awo, ipwaro iye sa Isineetriyu, saanisuwela wira Owo aari Mwaana a Muluku. Awo yaanisuwela. Va aari mukhulupale aya vaava va, amuhimeeryaka Yoowo, “Hiyo noosuwela wira Nyuwo mwa Mwiixuttihi mukhumme wa Muluku, okhala wira Ekumi ya Muluku yeeyo enikhwalala mwa Nyuwo.” Munnona? “Hiyo noosuwela wira mwiixuttiho Anyu kuhiyo Wawinyu Yeenyu. Ti wa Muluku, okhala wira Muluku onnooniherya Eyo.” Munnona? “Ekumi ya Muluku enikhwalala eviraka mwa Nyuwo.” Vano nwehe.

Yesu ahimwaakhula wira, Vekeekhayi, . . . kinooleelani nyuwo wira, Khaavo onwerya woona omwene wa Muluku, ahiyariwe-tho vasya.

²⁶³ Oh, wulu! “Mwaahiitakanihe-ru ni ekerej'aka”? Oh! Munnoonā mootā onikhumeliwaaya ota? Munnona? Munnona?

Yesu, vano Yesu aahaakhula, Vekeekhayi, vekeekhayi, kinooleelani nyuwo wira, Vahikhanle wira mutthu oniyariwa ni maasi ni . . . Erooho, okela momweneni mwa Muluku.

Ole oniyariwa ni . . . erutthu ti erutthuu; ni ole oniyariwa ni . . . Erooho eroohoo.

Muhitikinihiwe Miyo wooleelani wira, Muhaana oyariwa vasya.

Ettheku enoopela ontthunaya-wo, . . . Moone, emaara ekina, moone, etthikaka, moone.

Ettheku enoopela ontthunaya-wo, . . . nyuwo khamunwerya wiiwa oruma waya . . . munniiwa oruma waya, masi khamunwerya osuwela onkhumaya-wo, wala onkelaaya: siiso tari-aya othene ale . . . aniyariwa ni Erooho.

Nikotemo ahimwaakhula wira, Eyo eniweryaneya sayi?

Yesu aahaakhula khumwiirela, Nyuwo mwa mwixrutthi a Isarayeli, nave khamunsuwela itthu iya?

264 Nkawehani vo, munna, e—D.D., Ph.D., L.D., vaili moone, “Nave khamunsuwela itthu iya?”

Vekeekhayi, . . . Kimooleelani wira, Hiyo nnihimya sinsuwelahu, ninkhalela onamoona itthu soonale-ahu; nto nyuwo khamunikupali onamoona ahu.

265 “Hiyo ninnisuwela itthu iya. Hiyo nihoona. Hiyo ninnisuwela Eyo, nto nyuwo hata khimunkupali onamoona ahu.” Nyuwo muniitakaiha ni Ekereja! Munnona?

Koohimeenryeni itthu sa vathi, vano nyuwo khamunaamini, ankhi munrowa waamini sayi, koohimeeryani. . . itthu sa wirimu?

266 Vano nwiriyane ela va. Nwehe.

Ni khaavo owenle wirimu, ohikhanle yoole okhurunwe wirimu, Mwaana a mutthu ori wirimu.

267 Musuwele eyo.

268 Moosuwela, emaara emosa, Owo aahihimya wira, “Munimuupuwelelana exeeni Kristu? Owo Mwaana Awani?”

Awo khwira, “Mwaana a Davidi.”

269 Owo khwira, “Vano xeeni David, mwa Erooho, akelaka omuhimeerya Yoowo, wira ‘Apwiya ahaaleela Apwiya aka, “Kilaathini moonoo Aka woolopwana?”’ Vanweryaneya sayi Owo okhala Pwiya awe ni Mwan’Awe?” Khaavo aamukonhe-tho etthu.

270 Mwa Wiisuupulula, Owo iirale, “Miyo ka Yoophuwa ni Osuulu wa Davidi.” Munnona? “Miyo ka Mwiri ni Erintta. Miyo ka epacerelo. Miyo kaari ohinatthi wopaceryani. Miyo kaari epacerelo, ni—ni Miyo kaari Osuulu Awe, nave.”

271 Vano, va Owo ohimye wira, “Khaavo okhurunwe Wirimu, masi Mwaana a mutthu yoowo ori Wirimu vano.”

272 Muhano mmosa khukikoha, emaara emosa, yookoha. Miyo khwira, “Mukaakhule ela emosa.”

Khwira, “Yesu aamulompa pani, omatta wa oKetisimani?”

273 Miyo khwira, “Owo aamuhimya pani okathi Owo iiraly’awe, ‘Khaavo owenle Wirimu, ohikhanle Ole okhurunwe Wirimu, Mwaana a mutthu ori wi. . . yoowo ori Wirimu vano? Aani?”

274 Owo ori va, eemenleene vaava va vataratoni, alavulaka ni Nikotemo, ni khwira, “Miyo kiri Wirimu.” Eyo ekeekhai? Nrowe nihiye yeeyo mpakha olelo ohiyu. Munihimyani? [Muthukumano oniira, “Amen.”—Mol.] Vanootepa oxa. Oh, wulu! Ninoorowa othokelela yeeyo okathi vakhani, oxekuw’ola.

275 Munkela sayi Mukereja? [Muthukumano oniira, “Oyariwa.”—Mol.] Oyariwa. Ni exeeni? Ephumu ya Muluku.

Mukiiseelele, mukiiseelele;

Erooho ya Muluku mukumi, mukiiseelele.

276 Iwo p’uvekela waka: muhiye paahi Erooho Yoowaarya yiiseelele. Oh, wulu! Ni, Ephumu ya Muluku, Exeeni Iyo? Ootthittiwa ekanyeryo Momweneni mwa Muluku, kisuwelaka wira, okathi kilampe-aka voopacerya, kinnimwaamini Yesu Kristu. Ayo.

Vano, mwa Waamini waka, kinaacererya ikuru, ikuru sa othunku.

Vano mwa ikuru saka, miyo kinaacererya akhili a Masu.

277 Mwa akhili aka, kinaacererya wiisumaaliha, wiiphimela. Okisivela eyo. “Elapo aka ti yawinyu, mulipiherye munepa aka ni wiiphimela, okhuma ephareya mpakha ephareya yoowaarya.” Munnona?

278 Ovillela. Oh, wulu! Ooweehereriwa. Muhixanke; Satana onooweehereryani. Kinwela exikatta vano. Munnona? Kihaacererya ikuru, akhili, wiisumaaliha, vano kihaana waacererya ovilela. Nlelo nkirina Erooho Yoowaarya.

279 Vano ni waacererya ovilela, kinaacererya othunku. Moosuwela exeeni iyo? Ntoko Muluku. Kinaacererya yeeyo. Nkiniiseettiha vooanara. Kiniira ntoko muKristu oolakeya orinaawe wira. Eyo ehikhale woothererya. Etthu emosa mwa miyo, ophenta wa Muluku, onookaphula paahi. Munnona? Munnona? Kahi wira, “Uh-uh-uh-uh, khoo, kaamuwerya wira, masi khino vanreerela kiihire.” Munnona? Hah-uh. Huh-uh. Eri vaavo, khula enamuna.

280 Iwo Oyariwa. Miyo kiyariwe mwa *ela*, mwa *ela*, mwa *ela*, mwa *ela*, mwa *ela*, mwa *ela*, mwa *ela*. Vano nto ophenta wa Muluku, Kristu, onookhuruwa khutthitta ekanyeryo sothene iyo mwa miyo, wa muteko. Munnona?

281 Vano Owo oniira exeeni okathi Owo onikivahaawe Erooho Yoowaarya? Owo onoohelani meekhiinyu nipuro nlo oovalaaniwa, onimoothittani. Munnona? Nyuwo mwa mutthu oovirikana nto. Khamuhiyo-tho, a molumwenkuni. Munnona? Nwarihiwe ekuwo yoovirikana. Moowara yoovirikana. Kahi ekuwo ela ya ota. Nnari, nnari. Khamurina okhalaka ootikiniha ni oomeekha, ni oowiikuxererya, ni ookhala ooxanka ni a nttittimiho, siiso. Nnari, nnari. Khamuniira eyo. Muniwara v’erutthu, ntoko sa. Ti yoowara ya muroohoni entthuneya. Ekuwo ya woothelani yooheliwa mwa nyuwo. Nyuwo mwa xeeni?

282 Ntoko Yesu, nwehe, Owo aahikhuneeliwa ni neeku, ni Owo aahirukunxiwa vale ohoolo waya, nto ikuwo Sawe saamwaarya ntoko nsuwa. Owo aari vale, Yesu, Muluku amukhalihaka

Mwan'Awē voopuroni. Munnona? Vano nto khurwa Moise. Vano khurwa Eliya. Nto Petru khwira, "Moosuwela, e—ethu yooreera okhala vaava." Munnoonā mootu mutthu onkhalaawe? Ayo. Oh, ya erimu yoowiiriwa! Khwira, "Nrowe niteke mixaaxa miraru. Niteke mmosa wa Moise, nto mmosa w'Elīya, ni mmosa Wawinyu."

283 Ni ohinatthi omaliha olavula, Muluku khutthuka ethu yothene, khwira, "Ola Mwan'Āka onimphentexaaka. Mwa itthu iya sothene miyo kaaphavenlyāaka wa Moise, ni khuruuha ikano ni Moise; exariya ni maprofeta; Owo oomaliherya yothene. Mmwiiweleleke Yoowo. Miyo kinookhuma va yookhumela vano. Mmwiiweke Yoowo paahi. Mmwiiweke Yoowo paahi." Oh, wulu! Ethu zeeni yooreera!

284 Vano, okathi ommaliheryaahu ithanleliwo iya, ni khukhala oosareya maneema a Muluku ni itthu sa Muluku, vano Erooho Yoowaarya enookhuruwa ni enoonitthitta ekanyeryo Momweneni. Muhivelavele. Atthu othene anoosuwela wira mookhalana Yeeyo. Khamunrowa ohimyaka wira, "Ahe, avuwihīwe Muluku, miyo koosuwela wira kihaana Eyo. Miyo koolavula ilavulelo. Avuwihīwe Muluku, koosuwela wira kihaana Eyo. Kaahiina Muroohoni emaara emosa." Khamunrowa othuna ohimya nuulumo nimosa wa yeeyo. Atthu othene anoosuwela wira mookhalana. Muhivelavele. Ayo. Eyo enookhalela onamoona Mmansaya. Owo onoosuweliha eriyari y'atthu.

285 Muluku ooreeriheni. Kootteeliwa murima okhala va ni nyuwo voosiis'ula, okhalana okathi ula w'opatthana. Nwiriyaane, ekerej'ahu ekhaani ti yooyeva, nave hiyo khanirina opuro oniphīyerya w'atthu anoorwa va. Hiyo kanihiyo mutthenkeso. Hiyo ninnaamini ni nookhalana opatthana ni khula mutthenkeso. Nyuwo munoorwa va paahi okhala wira munnitthuna orwa. Ni nyuwo, hiyo ninnoophentani. Ni hiyo ninthuna khula mutthenkeso, khula mutthu . . .

286 Miyo kinnaamini wira aakhala atthu mwa mitthenkeso iyo sothene akhanle aKristu. Awo axinna alopwana n'athiyana mwa Kristu.

287 Vano, tivo, hiyo khanirina hata nlutte, ethu yo witakanxano, ethu yo wira woohikhala okhala muKristu paahi. Ntoko E. Howard Cadle ahimyaakaawe wira, "Hiyo kharina ekano woohikhala ophenta, hata eliivuru woohikhala Bibilia, nnakhala eyaaminelo woohikhala Kristu." Ti yeeyo. Murwe munithotole. Hiyo nootteeliwa murima ni yeeyo. Hiyo ninaamini Ehapari yooreera Yoomalela, khula epante ya Masu. Hiyo ninaamini voolikana siiso. Hiyo kharinaacererya ethu emosa mwa Yeeyo, okumiha ethu mwa Yeeyo, waacererya ethu ya mutthenkeso mwa Yaawo. Hiyo nnihiya paahi Awo siiso aryaaya. Ti yeeyo. Ni hiyo okathi wothene ninnitteeliwa murima owaakhelani. Nyuwo

murwe mukhale ni hiyo mwawerya vale. Ninnaavekelela aretta. Ninnaamini itthu sothene Bibilia onihimyaawe wira niireke. Hiyo “ninniliyala otteettheya wahu, ottuli, ni ninnitthimakela omukaanoni wo Wiihaniwa wuulupale.”

²⁸⁸ Vano, etthu emosa ekina-tho. Munootthuniherya ohimmwa? Nsuri voosiisu. . . Munooweha va—vanipaweni vale, yoowoona. Kaahikhalana yoowoona. Yaari ewoora ntoko yanamuloko, ntoko amwaar’aka ottuli iwe ansuwelaayaa, wala ewoora yaneethanu na mosa. Miyo kaahivenya. Naaroovenya wira naalikanyihe anamwane wira erowase oxikola.

²⁸⁹ Miyo kinikhalana iya paahi, imaara kamosa-kamosa. Ni nyuwo othene moosuwela, khula mmosa a nyuwo va, wira iyo khasinatoko ovonya. Iyo, iyo ti soolikana voomalela. Munnona? Iyo khasinvonyaka.

²⁹⁰ Nto miyo kuupuwela wira kaari mutthu oohakalalaxa kitonko aka omoona. Keemenle vansuwani, n-s-u-w-a, ni kaa—kaalaleerya Ehapari yooreera muthukumano mmosa, muulupale ni wootaphuwa.

²⁹¹ [Munna Branham onimweemela—Mol.] Kaatthuna koone sinto enookaravariwa.

²⁹² Mu—muthukumano mmosa, muulupale wootaphuwa, ni awo yaakilaanthe mutakhwani. Nto mirayi sa nsuwa saamwaarya vasulu vaya, *va* ni *vale*, yaakhelaka Eyo, yaakhelaka Masu.

²⁹³ Ni miyo, ntoko voolimaleleya, kweekwe kinnipisa, olekelaxa, kinnipisa kilaleyaka. Vano miyo kaahilaleerya okathi munci-ene, mpakha muthukumano ovoliwa etala ya yolya y’erutthu. Nto awo, akina aya, yaahikhulumuwa. Vano awo khuvenyasa paahi, khukhuma wira yalye, khupacerya okhuma.

 Miyo khwira, “Nnari. Nnari.”

²⁹⁴ Kaahikhalana itthu piili soomaliherya kaatthunaaka ophiyerya, kaatthunaaka ophiyerya mmutthakani mwaka. Ni Apwiya yaarookivaha. Ni khula mulaleyi onnisuwela, mwasuwela-ru vekeekhai wira ti Muluku oovanheni, murima onimoovihani wira mwaaleele atthu.

²⁹⁵ Nto miyo kaamulaleya, Charlie, voviilipihaxa ntoko saawery’aka, kilavulaka paahi, moosuwela, ni wira, “Itthu iya sothene suulupale, *ela* t’ile Muluku oniiraawe. Nkawehani *ila*. Owo onnilamula miyuupuwelo sa mmurimani. Exeeni Iyo? Masu.” Ni kiiraka siiso. Nto, oh, kaanitthuna kiwenrye wuupuwela etthu kaahimyaaka ni ele yaari yoosoma aka. Nkinwerya wuupuwela. Munnona? Masi miyo kaamulaleerya paahi.

²⁹⁶ Ni kaamwiiweha yoomi wira. Nto okathi waaryaaka keemenle vaavale, kiwehaka, ni kiiwehaka yoomi olaleya.

²⁹⁷ Nto kaamulaleya paahi, voviilipiha. Nto nuuvira okathi vakhani, miyo khuvenya, moosuwela, nto kuupuwela,

“Avuwihwe Muluku!” Miyo khwira, “Nkawehani itthu iya soothamaleya, ni *ela, ele!*”

²⁹⁸ Naanaanoru, kaahiwaha wira atthu yaahipacerya okhala ntoko wira yaahivoliwa etala mw'erutthuni. Nto siiso vaakhalanne aya yoophiyerya ya muroohoni, nto khupacerya orowa. Nto akina aya [Munna Branham onimwaaramurya—Mol.] khupacerya orowa.

Miyo khuupuwela, “Exeeni eniwiira atthu othene?”

²⁹⁹ Nto—nto kiweha, va yaaphwanyaneya anaithoko amosa-amosa eviraka, mpararini mwaka. Miyo khuupuwela... Miyo khwira, “Mulipelele vaavo, mpatthani! Mulipelele! Munootthika-tho miyuuttutthi sa makaaripi samora-ru.” Munnona? Miyo khwira, “Munootthika-tho. Masi mukihye koothoonyeryeni etthu ila yoomaliherya yoopacerya. Itthu iya sothene sinkhuma vayi, miyo kiwooninhe-akani? Sinkhuma vayi?” Miyo khwira, “Iya va. Iyo siri Mmasuni mwa Muluku. Iyo ti SIISO ANIHIMYA T'APWIYA, saalaiheryaawe. Okhala wira,” miyo khwira, “nyuwo othene munnikikhalela onamoono, munnikikhalela onamoono yeela, wira orummwa waka ti, ‘Mukhale ni Masu.’” Miyo khwira, “Exeeni eniwiirani nyuwo othene? Khamunwerya wiiwa Masu? Muhaana wiiwa saana Yaawo.”

³⁰⁰ Nto akina aya khwira, “Mulopwana, kaanithuna okhuura mikathe,” nto siiso.

³⁰¹ Ahe, miyo khuupuwela paahi, “Ahe, avuwihwe Muluku! Awo yaatthunaka mikathe, mwaahiye yakhuure.”

³⁰² Vano miyo—miyo khurukunuwa. Miyo khuupuwela, “Oh, masi, moosuwela? Miyuuttutthi sinoorowa omora, nuuvira okathi vakhani, naanaanoru.” Miyo khwira, “Vano, olelo ohiyu, muthukumano wakumanaru-tho, miyo kinimwaahela etthu yoomaliherya, nto khwaahimeerya wira itthu anikoonakaaya miyo wira simphwanyaneya Mmasuni a Muluku, kahi muliivuruni ya ethale wala mutthenkeso. Simphwanyaneya Mmasuni. Munnona? Khula epantte ya yeeyo, Mmasuni, okhala wira kirummwe wira Yeeyo.”

³⁰³ Miyo kuupuwela, “Moosuwela, awo, othene, anootthika olelo ohiyu, tivo enrowaaka wira t'ila. Kinrowa wooniherya mulipiheryo, enamuna emosa ya mulipiheryo.” Nyuwo moosuwela enamuna eniiraaka ni okathi ula wa ekereja ni itthu, ohimya etthu ehimalyaaka khalayi. “Kinrowa olipiherya, mwa Masu, vano nto etthu ila yuulupale, yoothamaleya yoomaliherya.” Miyo khwira, “Okathi xeeni onrowa okhala! Attotopeliwe Muluku!” Ni kaahiisoona kikhalaka mukhaanixa, nto kaahiiwa eyo, “Attotopeliwe Muluku.” Miyo khwiisoona kilakaseyaka *siisaale*. Nto kaari va, keemenleene vale.

³⁰⁴ Vano, va t'uri otaphuleliwa waya. Munnona? Etthu yoopacerya kiniiraaka, itthu siiralyaka, itthu siniiriwaka,

sinnikhala sa siiri wa atthu, anci-ene aya. Nkinihimya Ehapari yooreera Yoomalela ni masantu a Muluku, masi, kinihimya, mwa atthu anci-ene. Ni nyuwo khamunrowa otthuna oweha olumwenku, kosmos, ntoko Mutthaka wa Muluku. Mwaarowaka ni wira . . .

³⁰⁵ Ntoko Boze saahimye awe, “Miyo kweekwe . . .” Khwira, “Kaahikhalana yooloha, miyaakha sivinre, wira mu—Muluku aamurowa okiruma oChicago ni omuttikinya Chicago wa ovuwa wa Muluku.”

Miyo khwira, “Joseph, Owo ohiira.”

“Vano,” owo khwira, “awo khanattikinyiweke okhuma okathi wa Moody.”

³⁰⁶ Miyo khwira, “Ele? Miyo kinihimya Ekereja. Ele iwe malaxi a musika. Ele iwe etthaya ya vathi paahi, nikhuru nle ninsariha iphiro, maYesapeli oowiiipintari ni sothene.” Miyo khwira, “Eyo eri iwe. Ipa iye suulupale sa oxirikha ni itthu sinoonyaanyeya simorele mphironi iwe.” Miyo khwira, “Owo onihimya Ekereja. Ekereja yonale wiisuupulula wa Yesu Kristu wooniheriwa, ni awo khusuwela Eyo. Khino khamphiya muloko n’athanu ookhuma oChicago. Khino khankhala muloko mwa nloko nla, ankhuma muttetthe wothene w’oChicago, anikhuma.”

³⁰⁷ Mootoko wuupuwela yeeyo? “Ntoko saary’aya mahiku a Nowe, siiso-tho onookhala Orwa wa Mwaana a mutthu, vaavo atthu athanu n’araru yooonwaaya.” Uh-huh. Akavi yaakhumme oSotoma? Munnoona enihimyaaka? Miyo kinnihoverya okhalaka nikuphi ntero. Munnona?

³⁰⁸ Masi Ekereja Eneene ehaakhela ottikinyiwa. Awo aasuwela. Awo yaanisuwela Masu. Awo ahoona Masu okathi yaakhalihwaaya etthu, vano awo khuvava Yaawo. Vano nkawehani yeeyo okathi vakhani, vano.

³⁰⁹ Ni Mutthak’ola woopacerya, okathi awo yoonalyaaya Yoowo, atthu othene yaahitthimakela, khwira, “Oh, avuwihwe Muluku! Oh, kaawenrye wouna *ela*, *ele*, ni *ekina*.” Vano awo yaamurowa, enamuna emosaru awo yaakelaaya. Munnona?

³¹⁰ Nto vano awo annuupuwela, “Ahe, miyo nkisuwene. Mwaarowa wiitakanxa vayi? Miyo kaahirwe ni *ela*, enrowa okhala enamuna *ela*. Vano miyo kinimoomoliwa, nno, ni nkinrowa okhalana etthu yo wira *nno*.” Axinna anookilaathi ni wira, “Ahe, kaarowa wira exeeni miyo . . .?” Munnona vo? Awo khanrowa weemela okathi woophiyerya wira esuwele wira Awo Masu Muluku aalahenryaawe, yiisooniheryaka. Munnona? Vano awo khurawa.

³¹¹ Masi, muhixanke, miyuuttutthi siri vakhiviru, moone, katthikela-ru vapuwani.

³¹² Munnuupuwela, ohiyu uwo, wa Mutthaka Owo aakivahaly’awe iwe okathi waahelaaka nluku n’olipihya?

Voolikana-ene. Khwira, “Nvare muteko...” Khwira, “Mwakhumaru mwa yoowoona ela, mmusome Timoteyo Aneili 4.” Moosuwela, wira emphwanyaneya vaavale vale vanlukuni n’olipiha, miyaakha miloko miraru ni miraru sivinre.

³¹³ Khwira, “Nvare muteko wa namalaleya, nvare muteko anyu woomalela. Maana onophiya okathi atthu ahinrowaaya otthuna wiiwa Mwiiixuttiho wooreera; masi ettharaka soowunlela saya animwiithukumanyerya awiixuttihi, waaneenaka owaruni; etthikaka mwa ihantisi...ohiya Ekeekhai etthareke ihantisi.” Ntoko enkhalakaaya, masu ni masu tu! [Nipuro vahiitthu mufiitani—Mol.]

³¹⁴ Masi, muupuwele, nto, ohiyu uwo, wahaaphiyenryaaka osoma yothene eyo. Miyaakha miloko miraru n’itthu kinlaleyaaka mutapernakulu mu, nkinatoko hata emaara emosa ovikana yeeyo, ni nkisuwenle mwaha aya.

³¹⁵ Miyo kweekwe kaaniikohaka, mpakha, nihiku nimoso, kaahoono nipuro Yesu aattontte awe Esapala yoolempwa khupacerya osoma, nto khusoma nuusu na yoolaleeriwa, khuhiya, khwira, oKafarnawu wu, Owo khwira, “Nto olelo, yoolaleeriwa ela y’eprofeta yoomaliheriwa.” Owo ahaasomenle-ni ekinna aya? Eyo ti ya Orwa Wawe waneili. Munnona?

³¹⁶ Nto vale miyo kaahisoma eyo, kihisuwelaka. Miyo kaahivara eyo, nto yaari vaavale vale, ohoolo waka, oSouthern Pines, oCarolina du Sul. Voosiis’ule, keemenle vale, kilavulaka ni Joseph Boze, kaaphiteenrye epantte ya ekaarro, Miyo khuvara. [Munna Branham onrumiha ikatha sawe—Mol.] Paulo oirale, “Miyo...Atthu othene arookirukunuwela. Khaavo mutthu ni miyo. Temasi ookinyanyala; mwaha wo ophenta olumwenku ula. Nto vano miyo...” Nkawehani. “Ni mulipa-oohana ookiirela sootakhala sinci-ene.”

³¹⁷ Nkawehani etthu Temasi uupuwenlyaawe: “Vano, miyo koomoono Paulo olaleya Ehapari yooreera ni waavoniha aretta. Nto va owo omphwanyaneya, ohaawaka, yoowo ene, omukuxaka meetiku ni yoowo, Luka. Okathi wothene onrowaawe, omukuxaka meetiku ni yoowo, mutthu onlaleya ya eMuluku. Vano, miyo koomoono owo omwiiriha mutthu ohoona. Khwira, ‘Apwiya yoopwapwelani, ni munookhala ohoona wa okathi khata.’ Ni khumuhiya mulipa-oohana omoomola vamuthukumanoni. Kinoona wira owo woompweteya owerya wawe wira owiirihe atthu ohoona. Vookiserya, owo woompweteya owerya wawe wo ovoniha w’eMuluku. Muluku oomurerya ettuli.”

³¹⁸ Kookupali wira Temasi khaaronwe molumwenkuni, okhala wira Temasi aari a . . . Nyuwo munnimusuwela wahala awe. Owo aari a emusi yuulupale, yoothaaciiri. Ni owo aatthuna orowa ni muttitthi mukina.

319 Masi, Paulo, Paulo oowooniha othunku. Yaari exeeni iyo? Muluku kweekwe onnihiya muteko okhala siiso, vano nto onoowariha ekhara.

320 Owo aahimuhiya Yesu ophiyerya nipuro. Nkawehani vale. Okathi Owo waaweryaawe waahihimuxa alipa-ookhwa, okathi Owo aaweryaawe wira etthu p'itthu Owo aatthunaawe; nave khumuhiya surtaatu muRooma oropocola ireru wiitho Wawe, ni osenyela wiitho Wawe. [Munna Branham ontakiherya osenya—Mol.] Khummana Owo va . . . Khuhela nttapwatta wiitho Wawe, khwira, “Vano, Nyuwo moosuwela, kinileeliwa wira Nyuwo mwa Profeta.” Othene khweemela erukurenrye ni mitathi, khummana Owo vamuru. [Munna Branham ommana etthu.] Khwira, “Vano munleele oomanneni.” Owo aanisuwela taani aammanne. Uh-huh. Vekeekhai. Owo aanisuwela. Munnona? Masi muteko Awe waahalela owarihiwa ekhara.

321 Kweekwe onniphya nipuro nenlo, vankhalaaya, ntoko ti wootteettheya saana, vano Muluku onwariha ekhara.

O Pwiya, muhiye yiirane. Muhiye yiirane, Pwiya.
Nuuramihe muru.

Miyo kinnimpenta Owo, miyo kinnimpenta
Owo
Okhala wira Owo t'opacenrye . . .

Vano mmukokhorele Yoowo. Naahikhalana mwiixuttiho woolipa.

Nto oothuma woopowa waka
Vamwirini w'oKalvario.

322 Nrowe vano ninvenxerye matata Yoowo.

Miyo . . .

Vano mukhale mwa Erooho, moone, “Miyo kinnimpenta Owo.”

. . . Miyo kinnimpenta Owo
Okhala wira Owo t'opacenrye okiphenta.
Nto oothuma woopowa waka
Vamwirini w'oKalvario.

323 Vano, nrowe nivenye, neemele.

Mwa esipo ahu yaamukhaani y'olaxeryana, niipe eversu yoopacerya, ninrowa ovahana matata mmosa ni mukhw'awe; eversu yaneili, ninrowa omwiipela Muluku. Vaareera. Nuumala nto ninoolaxeriwa.

Vano, nrowe niipe:

Mukuxe Nsina na Yesu ni nyuwo,
Anamwane a mixankiho ni ooriipiwa murima;
Nlo nnimoovahani otthapa ni olipa,
Mukuxe Nenlo mapuro othene munrow'anyu.

Nsina nooreerexa, O moota ninsivel'aya!
 Nroromelo wa mulaponi ni ohakalala wa
 Wirimu;
 Nsina nooreerexa, O moota ninsivel'aya!
 Nroromelo wa mulaponi . . . Wirimu.

³²⁴ Vano, muupuwele ela, vano. Kinrowa onvekela mwamunna mmosa, va, kaarinaaka musaala minuutu vakhani sivinre; mwa—mwamunna mmosa oothamaleya, misiyonaariyu a Asempeleya a Muluku woothakoni nno; kinooliyala nsina nawe, Miyo kinrowa onvekela, anilaxerye ni mavekelo nimalakaru wiipa eversu ila enttharelana:

Mukuxe Nsina na Yesu ni nyuwo,
 Ntoko Mwaakiheryo wa khula murakho;
 Nto okathi ottehattehiwa onoorukurery'ayani,
 Muromole Nsina nenlo Noowaarya ni
 mavekelo.

³²⁵ Munwehe xetwani okhuma nto. Munnona? Vano, muupuwele:

Mukuxe Nsina na Yesu ni nyuwo,
 Ntoko mwaakiheryo wa khula murakho;
 Nto okathi ottehattehiwa onoorukurery'ayani,
 Mweemele paahi, nto muromole Nsina nenlo
 Noowaarya ni mavekelo.

³²⁶ Nwehe etthu eniiraneya. Vaareera. Othene vamosa vano.


Mukuxe Nsina na Yesu ni nyuwo,
 Ntoko mwaakiheryo wa khula murakho;
 Okathi ottehattehiwa onoorukureryaayani,
 (Muniira exeeni, vano?)
 Muromole Nsina nenlo Noowaarya ni
 mavekelo.

Nsina nooreerexa, (Nsina nooreerexa!) O
 noosivela! (O noosivela!)
 Nroromelo wa mulaponi ni ohakalala wa
 Wirimu;
 Ooreeraxa . . . , (. . . ? . . . munnimoona
 mwanamwan'ole . . . ? . . .) Oh noosivela!
 (Murwe nno, oophentiwa.)
 Nroromelo wa . . .

³²⁷ Okathi weemenlyaanyu va: Okathi wookiserya waary'aka otapernakulu, va (Mai ula onkhala atheyaka ni amuthoonyaka mwaana.), mwaan'ola aarina attootto. Ola ori va, otthimakaka mapuro othene va, othwheelaka vooreera olelo. Eyo kahi yooreera? Attottopeliwe Apwiya. Vano, nwehe va: Oophentiwa, mutuphe nwoonihe, vale, moota munweryaanyu otthimaka. Munnona?

Oh, Nsina nooreerexa, (Muupuwele,
 Ekomunyawu olelo ohiyu, vano.)...moota
 ninsivel'aya!
 Nrromelo wa mulaponi ni ohakalala wa
 Wirimu;
 Nsina nooreerexa, O moota ninsivel'aya!
 Nrromelo wa mulaponi ni ohakalala wa . . .

³²⁸ Vano nrowe nuurame muru. Ni muupuwele miteko ohiy'ula, vano; ni ohiyu wa Ekomunyawu. Ni nyuwo othene muupuwele yeeyo, nyuwo, mukhanle aKristu, hiyo ninoolattulani wira murwe mwaakhele Ekomunyawu ni hiyo. Ninwehererya okathi muulupale.

³²⁹ Pastore ahu oothamaleya, va, Munna Neville, ni . . . Akavi animphenta Munna Neville? Mwiire, "Amen." [Muthukumano oniira, "Amen."—Mol.] Nwiryane, axinna, mukiwiryane ntoko awinyu . . . ntoko mmosa wa mapastore va a etapernakulu: Nvaraane ni Munna Neville. Mukhale ni yoowo. Munnona? Owo murumeyi a Kristu. Mukhale ni yoowo. Bibilia ohimnye wira, "Nrowe nithukumane vamosa: nto eyo vanci-enexa vanoonaanyu niihiku nla nootakhala naattamelaka." Murwe mmutekoni wo okokhorela, murwe; nrowe nikele nikhale ni pastore ahu. Munnona? Nikhale ni . . . 

62-1104M Masina Ooveeha
Branham Tabernacle
Jeffersonville, Indiana wAmerika

EMAKHUWA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Olopola mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinwva etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitudumihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyawe musurukhu vahikhanle n'utthuniheriwa woolempwa ni Voice Of God Recordings®.

Mwaaphavelaka wiiwa-tho wala ikaruma sikina sikhhanle, xontte mulavule ni:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org